

M405: David von Augsburg, Traktate

27v,6 geistlich liebe ist ein
27v,7 edel tugent . unde sô si ie edeler ist . sô
27v,8 si ie vlîziger huote bedarf . daz ire
27v,9 edelicheit iht gewachet werde .
27v,10 als man alliu edeliu dinc . in grôzer
27v,11 huote spulget ze haltenne als edel
27v,12 vrouwen . unde edeln schatz unde edeliu
27v,13 buoch geistlich liebe minnet
27v,14 niuwan tugent an dem mennischen .
27v,15 unde durch tugenden tugende sint
27v,16 in der sêle . die sihet man niht wan
27v,17 mit der sêle . man darf si niht suochen
27v,18 in dem ougen . noch in den henden .

28r,1 noch niender an dem lîbe . man spüret
28r,2 si ein teil an den siten . unde an
28r,3 den werken . unde smecket si ein lützel
28r,4 an den Worten . ob man si halt niht
28r,5 hât an der behaltnusse . sô riechent
28r,6 si doch nâch der verstantnusse .
28r,7 swenne man geistlichen lîp hât .
28r,8 den sol man minnen . als den sarc dâ
28r,9 heilictuom inne ist . daz wær ungevellic .
28r,10 der dâr zuo machete ein tockenlade .
28r,11 alsô zæme . daz niht der
28r,12 geistlich liebe ze keiner îtelicheit
28r,13 kêrete . geistlich liebe schiuhet
28r,14 driu dinc . sünde boese bilede zît .
28r,15 verliesen . unde allez daz dâr an haftet .
28r,16 swaz si ze gote niht vûrdert . dâ
28r,17 vliuhet si von . ich ker wider an
28r,18 dîn dinc . wis diemüetiges herzen .

28v,1 unde sich an . waz dû von gote bist .
28v,2 unde waz von dir selben . ich wæne
28v,3 des . swenne der geistlich mennische sich
28v,4 selben rehte durchsihet . daz daz
28v,5 ein sô hôhe gesiht . sî nâch dem nutze .

- 28v,6 als ob er in Sêraphîn sweimte
 28v,7 mit der betrachtunge dizze vüert
 28v,8 in . ûz im selben . daz ander beheltet
 28v,9 in bî im selben . einez gît im hôhen .
 28v,10 muot . daz ander lêrt in diemuot .
 28v,11 wir wænen dicke . wir sîn vol
 28v,12 genâden . daz noch vile læres ist . in
 28v,13 uns . kunden wir ez erkennen .
 28v,14 wir schallen mit armuot . in dirre
 28v,15 werlt . dâr umbe lât uns got
 28v,16 gebresten haben . hier an allen
 28v,17 dingen . unde daz selbe daz er uns
 28v,18 ze trôste tuot . daz kumet sô kûme

 29r,1 her vüre . unde dannoch kûme halp . daz
 29r,2 uns desten mêt jâmer . nâch dem vollen
 29r,3 trôste ze himel . unde daz wir ûf erde
 29r,4 desten minner ihtes gern . unde daz
 29r,5 wir iht ze geil werden . unde ze übermüetic .
 29r,6 von disem vile ûf erde . ob er
 29r,7 halt guot ist . alle die gebresten
 29r,8 unde die broedicheit . unde den kumber
 29r,9 den wir hier haben . ist uns durch
 29r,10 diemuot gegeben . gûften di dâ wellen
 29r,11 von hôhen genâden . rehtiu diemuot
 29r,12 dunket mich hoeher denne
 29r,13 alle ire genâde . unde sicherer . und
 29r,14 hoeher lônnes wert . unde si ist genuoc
 29r,15 seltsæne . genâde ist niender stæte .
 29r,16 wan mit rehter diemuot . diemuot
 29r,17 rüemet sich nihtes . ze keinem
 29r,18 dinge . sprichet si daz ungelimpflîche

 29v,1 lûte . si verkêrt niemanne sîn dinc . si
 29v,2 spottet niemannes . ire lop ist ir ein pîne . scheltenes
 29v,3 wirdet si niht ervâret . si ist der
 29v,4 tugent behaltærinne . der genâden erwerbærinne
 29v,5 der hôhen êren in dem
 29v,6 himel verdienærinne der engel
 29v,7 gesellinne . gotes nâchvolgærinne .
 29v,8 der wârheit jungerinne . der minne
 29v,9 ein züntærinne . daz kan kûme
 29v,10 iemer vervælen . ez getroeste nâch
 29v,11 diemuot . diu dâ ist ein eigeniu dienærinne .
 29v,12 oder ein armiu dierne .
 29v,13 dâ von sprichet diemuot . als einer
 29v,14 armen dienærinne muot . dâ von heizet
 29v,15 sich diu sælige meit . des himels

- 29v,16 küniginne . gotes muoter ein diemüetige
 29v,17 dierne . sô sich daz herze
 29v,18 diemüetiget . sô erkennet got sîn

 30r,1 reht hin ze im . unde swanne ez in denne
 30r,2 êret . unde sich im undertænic machet .
 30r,3 sô erkennet ouch got – her . wider
 30r,4 im sîn reht mit genâden . wan
 30r,5 als wir im schuldic sîn . undertæniges
 30r,6 dienestes . mit willen . alsô ist er
 30r,7 uns genâden schuldic von genâden .
 30r,8 lerne von im niht alein dich diemüetigen .
 30r,9 gein im selben . halt gein
 30r,10 allen mennischen . unde ze vorderst gein dîner
 30r,11 meisterschaft . diu dir vore ist . an
 30r,12 gotes stat . dâr umbe wis in als
 30r,13 gote gehôrsam . vertregelich undertænic .
 30r,14 willic . unde wan si ouch mennischen
 30r,15 sint . unde habent vile ze trahtenne
 30r,16 sô übersich . in . ob si sich eteswenne
 30r,17 überdenkent . wan wære ez dîn dinc
 30r,18 dû überdæhtest dich lîhte verre

 30v,1 harter geloube in bî dir selbem . lâ si dînes willen
 30v,2 hêrre sîn dîner getât meister . dînes sinnes
 30v,3 wîsær . dîner habe gebietær dîner
 30v,4 gewizzene wîzær . dîner gedult
 30v,5 versuochær . dîner schult büezære
 30v,6 si unde dû sulen niuwan einen willen
 30v,7 haben . si sulen aber den slüzzel tragen .
 30v,8 ez stê an ire bescheidenheit
 30v,9 wie vile si dir her ûz geben . alsô lêrt
 30v,10 uns Jêsus Christus gehôrsam . sîn . der niht
 30v,11 alein gote sînem vater gehôrsam
 30v,12 was . joch dem mennischen ûf erde .
 30v,13 Josepch unde sîner muoter . und
 30v,14 niht alein heiligen liuten . was er
 30v,15 gevolgic . halt sîn selbes kriuzigærn .
 30v,16 biz an des kriuzes tôt . dâr umbe
 30v,17 ist er nû gehôhet an sîner urstende .
 30v,18 über allez daz got hât . ebenhêr

 31r,1 unde ebengewaltic sînem vater in
 31r,2 himel unde in erde . lerne ouch von Jêso
 31r,3 Christo minnesam sîn . gein dînem schuolgenôzen .
 31r,4 dînen ebenkristen .
 31r,5 minne diu kint dem vater ze liebe
 31r,6 unde daz gesinde dem hêrren ze êrn .

31r,7 die erlôsten mit sînem bluote . durch
31r,8 den erloesær . sît wir ein holz
31r,9 minnen . oder eines vihes bein . oder
31r,10 ein gemælde . daz nâch unserm
31r,11 hêrren gebiledet ist . im ze êren .
31r,12 verre billîcher sulen wir sîn bilede
31r,13 minnen . unde êrn . an dem mennischen .
31r,14 der sîn bilede ist . nâch sîner goteheit .
31r,15 an der sêle . unde nâch sîner
31r,16 mennischheit an dem lîbe . unde an sêle .
31r,17 des natûr er an sich genomen
31r,18 hât durch sîn liebe . der bruoder

31v,1 er ist in dem er wonet der nâch im
31v,2 kristen genennet ist . durch den er
31v,3 tôt ist . dem er sîn erbe geben wile .
31v,4 den er mit im selben spîset .
31v,5 vûnf dinc sint dâr an . wir
31v,6 sulen die minne einander erbieten .
31v,7 daz êrst ist . daz wir alle
31v,8 kristene . alles übel̄s verwîzen .
31v,9 noch keinen boesen wân . gein
31v,10 nieman haben . von dem wir niht
31v,11 boeses wizzen . sît er ein
31v,12 kristen ist . sô ist er gotes kint .
31v,13 unde des himelischen rîches .
31v,14 erbe unde des heiligen geistes
31v,15 tÊmpel unde Jêsu Christi . gelit .
31v,16 dâ von sol er uns aller êren
31v,17 wert . dunken . aber wan
31v,18 er ein mennische ist . der gevallen

32r,1 mac . sô sulen wir sîn hûeten . daz wir
32r,2 im kein ursache geben des valles .
32r,3 dâr umbe besliezen wir die schrîne .
32r,4 vore den . die wir niht vûre diebe haben .
32r,5 unde versperren die kiuschen jungvrouwen .
32r,6 daz diu schulde . diu noch
32r,7 niht ist . dâ iht werde . wan stat machet
32r,8 diebe . daz ander ist . daz wir
32r,9 in alles übel̄s erlâzen . als wir gern
32r,10 von in erlâzen sîn . daz wir
32r,11 in an nihtiu beswâren . an rehte .
32r,12 noch an dem guote . noch an dem lîbe
32r,13 noch an dem liumunten . noch mit keinem
32r,14 herzen leide . schoene sîn
32r,15 mit Worten . unde werken . unde mit
32r,16 gebærden als . ein lit des ander

- 32r,17 schônnet . beidiu vore im . unde von
 32r,18 im . als des vrides gelider .
- 32v,1 – – – – . der heilige geist
 32v,2 ist unser vride . swer den vride zerstoeret .
 32v,3 der sliuzet sich von der einunge
 32v,4 die diu lider mit dem houbete habent
 32v,5 in des heiligen geistes vride . Jêsus
 32v,6 Christus ist unser houbet . unde wir kristene
 32v,7 sîniu lider . swaz man dem vuoze
 32v,8 tuot . daz ist dem houbete getân . swaz
 32v,9 man dem kinde leides tuot . dâ betruobet
 32v,10 man die muoter mit .
 32v,11 daz dritte ist . daz uns sîn leit unde
 32v,12 sîn liep ze herzen gê . unde mit im
 32v,13 getriuwelîchen trûric unde vrô sîn .
 32v,14 als diu getriuwen kint eines vater .
 32v,15 unde einer muoter . mit einander
 32v,16 tragent . liep unde leit . sô dem vuoze
 32v,17 wê ist . sô söchent alliu lider
 32v,18 mit im . unde bleichent sô der munt
- 33r,1 izzet . sô werdent alliu lider kreftic .
 33r,2 wan ire gemach unde ire ungemach
 33r,3 ist in . alein gemeine . uns ze einer
 33r,4 lêre . barmherze . daz ist gotes
 33r,5 herze . als er selbe sprichet . “sît
 33r,6 barmherze . als iuwer himelischer
 33r,7 vater barmherze ist .” daz ist ein
 33r,8 wârez urkunde . gotes geistes
 33r,9 rehtiu barmherze . der barmherze
 33r,10 ist vile schier vile rîche worden .
 33r,11 tugent unde himelisches lônnes alliu
 33r,12 werlt ist sîn zinsacker . unde
 33r,13 sîn zol . mit allem ungemache .
 33r,14 ûf erde . mit allem ungemache
 33r,15 mit allem gebresten mit allem
 33r,16 schaden wehset im lôn . unde ouch
 33r,17 mit den die verdamnet werdent
 33r,18 die tugent wile ich daz ouch
- 33v,1 dû lernest . von Jêso Christo alle armen .
 33v,2 alle siechen . alle herzenlîche beswâerten . alle
 33v,3 jâmerige . alle süntær . alle die in deme vegeviure
 33v,4 sint . allen den jâmer der ist . unde was .
 33v,5 unde noch künftic ist in der werlt
 33v,6 den samene allen in dînes herzen
 33v,7 spitâl . unde erbarme dich dâ über .

33v,8 dâ wider alle die in trôste sint .
33v,9 unde sælicheit in dirre werlt . unde
33v,10 in jener werlt . mit den allen habe
33v,11 wirtschaft . mit ire tugenden
33v,12 unde mit ire genâden . unde mit guoten
33v,13 bilede . alsô bist dû allenthalben
33v,14 gewinnes halbe . si verliesen oder gewinnen
33v,15 an in selben . daz vierde ist daz
33v,16 wir niht alein sînen gebresten
33v,17 uns lâzen . ze herzen gên . daz
33v,18 wir im halt mit helfe ze staten komen .

34r,1 swâ wir mügen . unde dâ sîn durft ist . nâch unsern
34r,2 staten . mit guote . mit râte . mit hantreiche .
34r,3 mit gebete . mit aller helfe . dâ mit
34r,4 wir im geringen kûnnen sînen
34r,5 gebresten . got nimet eteswenne den
34r,6 willen vûre diu werc . dâ diu werc
34r,7 niht gesîn mügen . oder dâ ir niht
34r,8 durft ist . anders swâ diu werc
34r,9 niht sint . dâ ist ouch der wille
34r,10 kranc . erbarmet mich der
34r,11 dürftige . sô hilfe ich im . ob ich mac
34r,12 tuon ich sîn niht . sô hân ich des
34r,13 willen niht . – – –
34r,14 – – – daz vünfte
34r,15 ist vertragen unde vergeben . ob
34r,16 er uns an ihtiu beswært . als wir
34r,17 bedürfen . daz man uns vertrage
34r,18 unser site . unser ungedult . unser

34v,1 müelîchheit . unser wunderlich tücke .
34v,2 lerne an dînem gebresten . eines
34v,3 andern gebresten guotlîchen übertragen .
34v,4 vergip einem andern daz
34v,5 er dir getuot . sô wirdet dir vergeben
34v,6 von gote dîn missetât . ein gesundez
34v,7 lit übertreit . daz sieche mit
34v,8 im . unde lîdet ez gerner denne ez
34v,9 iz verwürfe . ich lîde gerner ein
34v,10 lamez bein . denne daz ich iz lâze
34v,11 ab houwen . slehet eteswenne von
34v,12 geschiht ein hant die andern si richet
34v,13 sich niht mit widerslahenne
34v,14 si sî denne töbic . alsô sulen sich
34v,15 mit einander halten . diu gelider
34v,16 gotes . hier mit den tugenden
34v,17 sô wirdet ouch in dem himel ir aller

- 34v,18 wünne . in allen gemeine . als si
- 35r,1 hier gemeine sint gewesen . in der minne
35r,2 an liebe an leide . ein geist gît
35r,3 ein gemüete . die gotes minne
35r,4 geist habent . di minnent daz
35r,5 got minnet unde zeigent . daz si
35r,6 sîn junger sint . unde sîn wole gerâten
35r,7 schuolkint . got minnet
35r,8 alliu sîniu kint . reiniclichen .
35r,9 unde nützelichen unde enticlichen .
35r,10 unde læt . si ire broedicheit dâr an
35r,11 niht entgelten . wan daz an
35r,12 uns gebresten ist . daz muoz sîn
35r,13 rîchiu güete an uns erfüllen .
35r,14 des helfe uns der getriuwe heilant .
35r,15 Jêsus Christus der uns
35r,16 allez daz worden ist . daz uns
35r,17 iemer guot ist âmên .
- 35v,1 sît ze andern künsten die
35v,2 zerganchlich sint . kurzlichen
35v,3 unde die ze kleinem nutze sint .
35v,4 sô vile lernunge gehoert . unde liste
35v,5 unde gerüestes sô ist . niht wunders .
35v,6 ob diu kunst . diu êwic ist .
35v,7 unde ze allen dingen nütze ist .
35v,8 unde dâ mit man daz himelische
35v,9 rîche erwirbet . unde âne die nieman
35v,10 genesen kan . unde die nieman
35v,11 verbezzern mac . in aller
35v,12 ire aht . unde dâ diu hoeheste wîsheit
35v,13 inne beslozen ist . daz ist
35v,14 tugentlich leben . ob si vile lêre
35v,15 bedarf . unde vlîzes unde besihticheit
35v,16 bedarf . unde eteswenne ein
35v,17 teil müeje unde arbeit . sî nieman
35v,18 niht guotes noch êren noch
- 36r,1 liebe in der werlt . âne müeje mac haben .
36r,2 daz klagen wir an dem einen
36r,3 daz ez müelich sî unde swær . daz
36r,4 alein gar ist nütze . unde bestætet
36r,5 allenthalben unde klagen . dâ wider
36r,6 niht . an andern dingen . swaz
36r,7 wir dâ mit müeje lîden . daz verre
36r,8 ist unnützer . unde ofte müelicher
36r,9 denne tugentvlîz . der niht alein

36r,10 nütze wirdet . nâch dem tôde . er
36r,11 ist halt hier daz liebste . daz süezeste .
36r,12 daz werdeste daz diu werlt
36r,13 hât under allen dingen . nieman
36r,14 ist sô untugenthaft im gevallen
36r,15 doch tugende wole . nieman ist sô
36r,16 verschamet niuwan er ger daz
36r,17 sîn untugende ein hülle haben .
36r,18 eteslîcher beschoenunge daz er

36v,1 iht gar tugent blôz schîne . alsô schoene
36v,2 ist . diu reht tugent . daz man
36v,3 durch si eine alle andern bresten
36v,4 übersihet . swâ man si hât . ist der
36v,5 mennische unedel . ist er arm . ist er
36v,6 kranc . ist er ungestalt . ist er
36v,7 ungespræche . ist er ungelêrt . der
36v,8 buoche . oder ander behenticheit .
36v,9 ist er siech . oder ûzsetzic .
36v,10 daz übersihet man allez sament .
36v,11 unde hât in liep unde wert . ob er
36v,12 lûter tugent hât . der aber
36v,13 tugentlôs ist . der ist unwert .
36v,14 in aller liute herzen . swie im
36v,15 doch sumelich durch ire genesche .
36v,16 oder durch vorhte . ze
36v,17 anegehoerde mit hellen und valschlîchen
36v,18 liepkôsen .

37r,1 wan tugent vliuzet von einem sô reinen
37r,2 brunnen . daz ist von gotes herze . der alles
37r,3 guotes ursprinc ist . daz si einen edelen
37r,4 smac behalten . swie verre si iemer
37r,5 gevliezent . aber sô ie nâher
37r,6 dem êrsten ursprunge ie sterkern
37r,7 vluz . unde ie groezer kraft und
37r,8 süeze . tugent ist eines verstanden
37r,9 gemüetes . rehtiu ordenunge
37r,10 nâch dem oberesten guote .
37r,11 rehtiu tugent hât niur die
37r,12 créatiure . die nâch gote gebiledet
37r,13 sint . si hât der engel unde der mennische .
37r,14 diu verstantnisse lêret tugent
37r,15 der wille entwâhet si und
37r,16 üebet si ûzen mit den werken

37v,1 swer tugenthaft gert ze werdenne .
37v,2 der vlîze sich daz er an allen

37v,3 steten . an allen zîten . an allen
 37v,4 getæten . dâ er die wîle mit umbe
 37v,5 gêt . die er tuon sol . unde mac ze rehte
 37v,6 bedenken . wie er getuo . daz
 37v,7 bezziste daz er die stunte getuon mac .
 37v,8 unde di getât die wîle volbringen .
 37v,9 sô er bezziste mac . unde kan ze gelîcher
 37v,10 wîse . betest dû . sô tuo ez
 37v,11 mit dem vlîze . als dû dich verstêst .
 37v,12 daz dû ez nâch dînen staten
 37v,13 bezziste mügest . izzest dû daz
 37v,14 tuo mit den zühten . unde in der
 37v,15 mâze . als ez zimelich ist . einem
 37v,16 guoten mennischen . redest dû .
 37v,17 daz tuo in der huote dîner worte unde

38r,1 dîner site als daz guot ist . tuot man
 38r,2 dir iht leides . lît ez in der diemuot .
 38r,3 unde der gedult . als dû verstêst . daz
 38r,4 ein tugentlich mennische tuon sol
 38r,5 bist dû alein halt dich . in allen
 38r,6 den zühten . an allen den dîngen .
 38r,7 als ob dich di liute sâhen wan
 38r,8 dich sihet got . unde die engel . unde
 38r,9 dîn selbes gewizzene . hâst dû
 38r,10 niht besonders ze tuon . sô denke
 38r,11 wâ mit dû die wîle allerbezziste
 38r,12 mügest . nâch gotes willen
 38r,13 an legen . unde versûme daz
 38r,14 selbe niht . als wirstest dû schier
 38r,15 ein guot mennische wan aber geistlich
 38r,16 leben ist ein tugentschuole . merke
 38r,17 wie man dâr inne lebe oder lernen sule

38v,1 geistlich leben ist von dem
 38v,2 heiligen geiste genamt . der
 38v,3 sîn orthabe ist . unde sîn lârær . ez
 38v,4 heizet ouch dâ von geistlich .
 38v,5 von sîner materje . wan geistliches
 38v,6 lebenes üebunge . ist
 38v,7 allermeist in dem geiste . daz
 38v,8 der wole geordenet sî . nâch des
 38v,9 oberesten geistes willen . nâch
 38v,10 sîner lêre . daz ist got selbe .
 38v,11 nieman ist ouch . noch mac
 38v,12 geistlich heizen . nâch rehte .
 38v,13 der sich niht dâr nâch vlîzet .
 38v,14 ze lebenne . mit triuwen als er sol .

- 38v,15 der von golde niht wûrken
 38v,16 kan der heizet umbesust ein
 38v,17 goltsmit . wan aber nieman
- 39r,1 ein kunst gelernen wole kan .
 39r,2 er ne künne . unde lerne die regelen .
 39r,3 die dâr zuo wîsent . unde an den
 39r,4 der kunst kraft lît . dâ von sol
 39r,5 man eteslîche voreregel . êr . wîzzen .
 39r,6 die zuo der geistlîchen kunst .
 39r,7 wîsent . unde dâr nâch . die . an den
 39r,8 kunst stêt . aber wan der vile
 39r,9 ist . dâ von ze lanc wær ze sagenne .
 39r,10 der alliu heiligiû schrift vol
 39r,11 ist . sô beslütze ich dir sumelich .
 39r,12 under siben voreregelten . swer
 39r,13 die wole gelernet mit der üebunge
 39r,14 der werke . der wirdet die andern
 39r,15 selp verstênte . wan sô er ie vûrebaz
 39r,16 kumet sô er ie vûrebaz sihet .
 39r,17 als der einen berc ûf klimmet .
- 39v,1 diu êrste voreregel ist . daz der
 39v,2 mennische resche sî . ze allen guoten
 39v,3 arbeiten . der er schuldic ist . unde
 39v,4 die er wole volbringen mac ze sîner
 39v,5 zît . daz er des vore urdruzze .
 39v,6 oder von trâcheit iht lâze . noch ûf
 39v,7 schiebe . noch ez læzlîchen und
 39v,8 unslîuniclîche tuo . disiu driu dinc
 39v,9 tuont uns grôzen schaden . unde
 39v,10 stelent uns vile lônnes in dem himel .
 39v,11 sô der heilige mit im selben
 39v,12 oder mit sînem boten . uns manet
 39v,13 “stant ûf bete . arbeite . diene .
 39v,14 nim villâte . swîc enthabe dich
 39v,15 dâ vore .” unde swaz soliches ist . daz
 39v,16 uns nütze wær . oder einem
 39v,17 andern nôt . daz wir iz denne
- 40r,1 von urdrütze ûf schieben . oder
 40r,2 ez gar versûmen . oder tuon wir
 40r,3 iz . daz ist alsô vûllîchen unde alsô
 40r,4 unlustlîchen . als dem von einer
 40r,5 spîse unwillt . daz sîn noch
 40r,6 got kein êre hât . noch unser
 40r,7 gewîzzen kein vrôuwede dâ von entwâhet .
 40r,8 diu guoten werc tugentlîchen

40r,9 volbrâht sint der
40r,10 aht . daz si daz herze ervröuwent . unde den
40r,11 gedingen kreftigent . unde di
40r,12 minne mêrent . unde die gerunge
40r,13 entzündent . ze andern
40r,14 guoten werken . als daz krût
40r,15 unde boume . di got alsô geschuof .
40r,16 daz ir iegelîchez sînen sâmen .
40r,17 in im selben bræhte . dâ von

40v,1 ez sîn geslehte mêrte . daz swelke
40v,2 krût ist der vûle nâhen . und
40v,3 gît boesen smac in dem hûse .
40v,4 man sol den lîp ziehen . als die
40v,5 reschen knehte . zehant . sô der
40v,6 hêrre spricht ein wort . sô springent
40v,7 si zuo . unde bereitent sich ze
40v,8 gehôrsam . si schiuhent ouch kein
40v,9 arbeit . noch vrost noch ungewiter .
40v,10 noch boesen wec . noch unkûnde
40v,11 des weges . noch vreise
40v,12 des lîbes . noch die verre . noch di
40v,13 lenge . der zît . noch mangel der
40v,14 nôtdurft . noch vârent gemaches .
40v,15 unde daz ist in ein trôst . sô vile si
40v,16 habent arbeit erliten . ob ez dem
40v,17 hêrren alsô vile in danke ist . daz

41r,1 er in niht schiltet . unde slehet . unde mit
41r,2 dem hâre . umbe die wende bert .
41r,3 sôgetân gehôrsam . unde solich gedult .
41r,4 ist manigem klôsterknehte .
41r,5 seltsæne . die niuwan selpherren
41r,6 sint . unde zertelinge . ich weiz
41r,7 wole waz ich meine . – –
41r,8 – – – –
41r,9 – – . daz spricht ze disen
41r,10 zîten . ist der knehte die menige
41r,11 worden . die ire hêrren vliehent .
41r,12 daz si niht gehôrsam wellent
41r,13 sîn . von siechen . unde rehter krancheit .
41r,14 meine ich niht . der sol
41r,15 man schônen . als in des nôt ist .
41r,16 daz man si êr . zît iht erlege
41r,17 under der bürde . an allen dînen

41v,1 werken wis snel . daz ist resche .
41v,2 sô wirstest dû über mennischen êre .

- 41v,3 geminnet von gote . – – .
 41v,4 der träge der wolte durch den vrost
 41v,5 niht eren . dâ von wirdet er
 41v,6 ze sumer betelente . unde man gât im
 41v,7 niht . daz ist alsô bediutet durch
 41v,8 den vrost des urdruzen . wolte . der
 41v,9 träge niht nâch tugenden werben
 41v,10 dâ mit sîn sêle gespîset würde .
 41v,11 unde gekleidet . dâ von wirdet er
 41v,12 betelente . sô der heilige sumer
 41v,13 kumet . nâch diser werlt winter .
 41v,14 sô gât man im niht . weder
 41v,15 vrist ze buoze . noch die himelischen
 41v,16 herberge sô diu genâden tûre
 41v,17 versperret wirdet den verdarneten .

 42r,1 diu ander regel ist . daz der mennische unnütze .
 42r,2 gedanke . unde boese begirede . niht lâze
 42r,3 twalmen . kein vrist in sînem herzen . zehant
 42r,4 als er ir entstêt . sô jage si ûz . unde kêr
 42r,5 sich von in . mit allen sînes herzen .
 42r,6 kreften . wan swer den vîanden niht
 42r,7 vaste widerstêt . sô si in dringent
 42r,8 sô werdent si sô kreftic vile schier
 42r,9 daz . si den vîant bindent . unde die burc
 42r,10 besitzent . sô ir lützel ist . sô überwindet
 42r,11 man si allerlîhtest dem
 42r,12 slangen sol man daz houbet zermüschē
 42r,13 daz sint di êrsten boesen . gedanke
 42r,14 dâ mit er in dringen wolte . sô mac
 42r,15 uns sîn gift niht ertoeten . durch
 42r,16 ein unwitze wile ein mennische
 42r,17 eteswenne einem schedelîchen .

 42v,1 gedanke . mit herzen nâch luogen
 42v,2 unde êr . er sîn trûwe . sô ist er dâ mit
 42v,3 versniten . als Dîna diu durch
 42v,4 virewitze ûz gienc schouwen diu
 42v,5 lantwîp . biz daz si Sichem zukte
 42v,6 unde beslief . Dîna ist diu alwær
 42v,7 sêle . diu ûz ir selber huote ver stolene
 42v,8 gât mit unnützen gedanken . durch ire
 42v,9 virewitze . die zûcket der boese gelust .
 42v,10 wêrlîche unde krenket ire êre .
 42v,11 daz ist die reinen gewizzene .
 42v,12 eteswenne wert si sich halben
 42v,13 wec . unde volget halben wec
 42v,14 als der sieche . der den trinkenē nâch

- 42v,15 luoget . daz im der arzât verboten
42v,16 hât . eteswenne sint
42v,17 ez niht vleischliche gedanke .
- 43r,1 ez sint aber îtel êre entwerfunge .
43r,2 daz im daz herze mâlet . wie
43r,3 er ein prêlâte sî . unde wie er die
43r,4 undertânen wölte berihten . unde nâch
43r,5 êren stellen . eteswenne ein lêrær
43r,6 unde vile liut vore im habe . an
43r,7 blôzem velde eteswenne ein wîssage . unde seit iegelîchem
43r,8 waz im künftic sî . eteswenne
43r,9 ein heilige . der mit worten
43r,10 unde mit werken vile liut bekêrt .
43r,11 unde bestætet daz mit grôzen zeichenen
43r,12 beidiu lebentic unde tôter .
43r,13 eteswenne stirbet er . unde koment
43r,14 vile heiligen . unde vile engel . unde
43r,15 unser hêrre selbe unde vüerent die
43r,16 sêle mit lobe . in den hoehesten kôr .
43r,17 der noch des nideresten kûme wert
- 43v,1 ist . ich wæne daz die oberesten
43v,2 koere als hoehe sîn . über die nideresten
43v,3 an den êren . als die künige .
43v,4 über die knehte . hier sint . unde lîhte
43v,5 mêt . eteswenne kempfet der
43v,6 betoeret mennische . in im selben .
43v,7 wider eteswen mit gedanken mit
43v,8 zorne . als ob man in hin wider
43v,9 an vehte . unde entwirfet im selbem
43v,10 einen strît âne nôt . von sîner ungedult .
43v,11 unde vliuhet . dâ im nieman
43v,12 nâch jaget . als der sînen schate an
43v,13 vihtet . eteswenne bûwet er klôster
43v,14 unde münster . unde vile anders . unde
43v,15 mâlet vile gezierde oder gît grôze
43v,16 gebe vriunden unde dürftigen .
43v,17 unde ziuhet im grôz
- 44r,1 gezoc nâch . dâ er alein ist . eteswenne
44r,2 hât er grôz anedâht . unde merket di
44r,3 liute wole . unde vingerzeigent ûf in .
44r,4 unde des nimet er sich hæle . alsô daz man
44r,5 ez merke . wie diemüetic er sî . mit
44r,6 grôzer heilicheit . ditze sint diu
44r,7 gemâlden abtgot . diu der wîssage sach .
44r,8 in dem tĕmpel . dâ billîche niht wan heiligi

- 44r,9 dinc inne sîn solten . die verborgen
44r,10 untugende an dem mennischen
44r,11 mâlent ir iegelîchiu ire abtgot mit
44r,12 gedanken . hôchvart von îteler
44r,13 êre ungedult von strîte . gîticheit
44r,14 von rîchheit vrâzheit . von wirtschefte .
44r,15 unkuschheit . von des vleisches
44r,16 gelüsten urdrütze des guoten von
44r,17 allen unnützen dingen . disiu
- 44v,1 abtgot sol der guot mennische alliu zerbrechen
44v,2 unde zerstoeren . als Ezechias tet . unde Josias
44v,3 in allem sînem rîche . als got geboten
44v,4 hât . in der alten ê . dô Abraham sîn opfer
44v,5 bereit hête . dô kômen die vögel unde sâzen
44v,6 dâr ûf . unde wolten ez verezzzen unde unreinen .
44v,7 dô schiuhet er si dâ von . unser
44v,8 opfer sint guotiu werc . unde guot gedanke .
44v,9 unde guot begirede . die wellent
44v,10 uns di boese bekorunge unreinen .
44v,11 di sulen wir hin schiuhen zehant .
44v,12 ê daz si uns daz opfer unsûbern .
44v,13 der êrst boese gedanc . daz ist des
44v,14 slangen rât der gæhe boese gelust .
44v,15 der dâr nâch slîchet . daz ist sô loset
44v,16 Eva dem slangen . unde disputieret mit
44v,17 im . ob si im volgen welle . die wîle
- 45r,1 si mit geluste ringet . dâr nâch
45r,2 izzet si daz verboten obez . sô daz herze
45r,3 williclichen nâch boesen dingen trahtet
45r,4 durch gelust . unde doch der werke
45r,5 niht volbringen wile . ez wile aber
45r,6 kurzewîle haben mit boesen gedanken .
45r,7 dâr nâch gît Eva Adâm daz obez
45r,8 ze ezzenne . unde alsô von dem willigen
45r,9 geluste der gedanke kumet diu verhengnisse
45r,10 der boesen werke . dâ
45r,11 hât Eva zwô schulde . daz si daz
45r,12 obez az von des tiuvels râte . und
45r,13 daz si ez ouch Adâm gap mit ir
45r,14 ze ezzenne . Adâm hât ouch zwô
45r,15 schulde . die sint grôz . daz er
45r,16 Even niht werte ire sünde . wan
45r,17 er ire meister was unde ire houbet
- 45v,1 unde daz er ir volgete . daz er iz selbe
45v,2 az . daz in got verboten hête . alsô ist

45v,3 diu êrste sünde gewesen . allen sünden
45v,4 ein anevanc . unde ein forme .
45v,5 nû hât unser hêrre Jêsus Christus den
45v,6 slangen an dem kriuze überwunden .
45v,7 unde hât uns gewalt gegeben . ze tretenne
45v,8 ûf di slangen . unde ûf allen
45v,9 des vîandes gewalt . daz uns niht geschaden
45v,10 kan . ob wir den gewalt
45v,11 niht williclîchen den vîanden geben .
45v,12 wider über uns selben . er mac
45v,13 uns ouch mit nihtiu an vehten . wan
45v,14 mit unser selbes wâfenen . mit unsern
45v,15 gedanken mit unsern begireden . mit
45v,16 unsern liden . mit ougen ôrn munde
45v,17 henden vuozen . unde andern unser

46r,1 liden . lîhen wir si im ze unserm
46r,2 schaden . daz sihet er gerne versagen
46r,3 wir im si . er mac uns niht geschaden .
46r,4 diu dritte regel ist . daz der geistlîch
46r,5 mennische sperlîchen nieze . alliu
46r,6 dinc . diu der werlt sint . als verre
46r,7 er vore nôtdurft mac . an spîse
46r,8 an gewande an bûwe an allen dingen .
46r,9 dise regel lêrt uns unser
46r,10 hêrre Jêsus Christus . der sô vile niht
46r,11 haben wolte der werlt . daz er
46r,12 sîn houbet geneigete . diu werlt ist
46r,13 ein müelîcher lêhenær . swer des
46r,14 ire iht hât . den læt si niemer geruowen .
46r,15 si vordert tegelîchen unde
46r,16 joch williclîchen gesuoche von
46r,17 im . von sorgen . von angesten .

46v,1 von müeje . von betrahten . von vremedem
46v,2 nîde . wie er iz behalte . oder
46v,3 gebezzet . daz er hât . swaz im
46v,4 liebes dâ von geschihet . oder gelust .
46v,5 daz ist alsô der slêhe von dem
46v,6 dorne izzet wan umbe ein kleinez
46v,7 gelüstelîn . steckent in vier müedorne .
46v,8 daz im dâ mit wole ist
46v,9 daz ist dâ von . daz er niht süezers
46v,10 hât erkant . als der nie honiges
46v,11 enbeiz den dunkent durre holzbiren
46v,12 süeze . sô der mennische ie sperlîcher
46v,13 niuzet . der werlt guot unde
46v,14 ire gelust . sô er ie rinclîcher vliuget

46v,15 in die hoehe des himelrîches . dâ von
46v,16 sprichet unser hêrre diu wârheit
46v,17 “sælic sint die armen des geistes .

47r,1 wan daz himelrîche ist ir .” die
47r,2 armen des geistes . daz sint die mit
47r,3 willen arme sint . die niht rîche wellent
47r,4 sîn . die ire sorgen an got lâzent
47r,5 der si hât geschaffen . der wile si besorgen .
47r,6 diu helle ist in der erde . unde
47r,7 ouch daz vegeviur . dâ brinnent niht
47r,8 inne . wan erde . daz sint irdische sünde die von irdischer
47r,9 liebe . an kleben . sô denne daz
47r,10 viur sîner materje ie mêr an dem
47r,11 mennische vindet . sô ez ie girelîcher
47r,12 sich dâr an heftet an dem ez
47r,13 aber niht vunden hât sîner materje .
47r,14 kein irdische girede . der wær
47r,15 in der helle . oder in dem vegeviure

47v,1 als diu driu kint in dem babilônischen
47v,2 eitovene . ob daz sîn solte . daz man dâr
47v,3 in âne sünde vüere . wir sîn hier als ûf
47v,4 einem wege . ze einer snellen durchverte
47v,5 unde wir haben hôhe ze stîgenne
47v,6 gein himel . dâr zuo ist uns der zît
47v,7 vile gekürzet . gein dem âbende dâr
47v,8 über lâgent uns die vîande . nâch
47v,9 alle zît mit grimme . swer nû
47v,10 dâr über . sich wile überladen mit
47v,11 swærer bürde . irdischer habe . oder
47v,12 sich in daz gemach legen wile . den
47v,13 bestrîchet vilelîhte der vîant an dem
47v,14 âbende des tôdes . als den rîchen in
47v,15 dem evangeliô . der sîn stadel wîtete .
47v,16 daz er deste mêr möhte bevâhen

48r,1 guotes unde êren . unde irdisches gemaches .
48r,2 dô er sich dô troeste ûf vile jâre .
48r,3 diu er wolte hier sanfte leben . dô sprach
48r,4 got ze im . “tumber an dirre
48r,5 naht . entzücket man dir dîn sêle .
48r,6 von dînem lîbe . aber daz dû gesamenet
48r,7 hâst . wem wirdet daz .” alsô sint alle
48r,8 die hier schetzent . unde gotes niht
48r,9 rîche sint . dîn schatz ist swaz
48r,10 dû lieber hâst . denne ze rehte .
48r,11 die kleinen stadel die êreren . daz

- 48r,12 ist diu nôtdurft . di wîtet der gâtige
48r,13 unde bûwet dem übevluzze den
48r,14 kan nieman ervüllen . als daz apgründe
48r,15 dâr umbe vellet er selbe
48r,16 nâch . der in daz apgründe bûwet .
- 48v,1 dô Abraham unde Lô t lützel vihes
48v,2 hêten . dô wâren si wole mit einander
48v,3 mit minnen . dô ire vihes vile wart
48v,4 dô zerwurfen di hirte mit einander .
48v,5 daz si sich muosten scheiden . daz vihe
48v,6 sint die irdische begirede . sô der
48v,7 vile werde sô zerwerfent di hirten
48v,8 daz sint die willen . die der begirede
48v,9 huotær solten sîn . daz vremede unde unminne .
48v,10 wahsent zwischen vriunten .
48v,11 unde bruodern . alsô mohte Jakob en unde
48v,12 Esau . diu erde niht bî einander
48v,13 bevâhen . von ire vihe unde ire rîchtuome
48v,14 unde wurden gescheiden . wâren zwei
48v,15 wort niht in der werlt . sô lebeten
48v,16 die liute gar einmüeticlichen . mit
48v,17 einander âne allen krieg .
- 49r,1 “daz ist mîn . unde dîn .” disiu zwei wort
49r,2 wârni niht . in der kristenheit ze dem êrsten .
49r,3 dô in alliu irdischiu dinc gemeine
49r,4 wâren . iegelîchem . doch als er sîn
49r,5 ze nôtdurft . niht nâch muotwillen .
49r,6 oder nâch geluste . dâ von
49r,7 lebeten si ouch alsô einmüeticlichen .
49r,8 als ob si allen niuwan ein herze hêten
49r,9 unde ein sêle . ditze was uns ein forme
49r,10 vrides . unde der kristenlîcher
49r,11 volkomenheit . die hier ûf ertrîche gedâht
49r,12 habent ze belîbenne . unde die genûeget
49r,13 mit der werlt . wûnne . di bedürfen
49r,14 wole swie vile si ir gehaben mûgen
49r,15 wan des ist dannoch wênic
49r,16 genuoc . di aber gerent ze himelischer
49r,17 vrôuwede ze kômenne . und alle
- 49v,1 tage dar wartente sint . die sûment sich
49v,2 unde irrent sich . swâ si sich mit irdischen
49v,3 dingen über die rehten nôtdurft
49v,4 bekumbernt . wan si klebent an
49v,5 als der lette . unde unsiubernt . unde swærent
49v,6 in die vedere . mit den si solten

- 49v,7 ze himel vliegen daz sint .
 49v,8 innocentia . unde diligentia –
 49v,9 – . daz ist reinicheit âne
 49v,10 houbetsünde . unde vlîz guoter werke .
 49v,11 der mit buoze gewaschen wirdet
 49v,12 der ist ouch rein . – – – .
 49v,13 diu vierde regel ist daz der
 49v,14 mennische sich vlîze vridesam sîn . im
 49v,15 selben . unde den andern vridesam der
 49v,16 sich aber von nieman beswært . der
 49v,17 ist im selben vridesam . wir sîn als
- 50r,1 in einem strîte gein den tiuveln . und
 50r,2 gein der werlt . die tiuvel müejent
 50r,3 uns innen diu werlt ûzen . innen
 50r,4 müejent uns bekorunge . wider die
 50r,5 bedorften wir widerstrîtes unde huote .
 50r,6 ûze müejent uns widerwertigiu
 50r,7 dinc . unde werc . von den mennischen
 50r,8 dâ wider bedürfen wir der gedult . schildes .
 50r,9 ûf den wir entwâhen . die schôzbölzelîn .
 50r,10 scherpfer worte . und
 50r,11 eteswenne ouch einen kolbenstreich .
 50r,12 müelîcher site . unde leider werke .
 50r,13 uns geschihet aber dicke . als den di
 50r,14 strîtes ungewon sint . êr si den schilt
 50r,15 rehte vüre gevazzen . sô ist in daz
 50r,16 tref worden . von ire unbehende .
 50r,17 alsô ist uns . êr . wir uns vore vermezzen
- 50v,1 hêten . sô sîn wir wunt worden .
 50v,2 von ungedult . swer sich warnen
 50v,3 wile gedult . der betrahte vore
 50v,4 driu dinc ze dem êrsten . sô sol er im
 50v,5 vüre setzen . mit betrachtunge . allez
 50v,6 daz im mac widermüetes widervarn .
 50v,7 an schaden an wêtagen
 50v,8 an arbeit . an smæhe . an scharpfen
 50v,9 Worten . an herter buoze .
 50v,10 an rüegunge unschuldicliche .
 50v,11 wan die geschôz gein den man .
 50v,12 sich vore gewarnet hât . diu tuont
 50v,13 minnern schaden .. man sol die
 50v,14 bürge bûwen . unde berüsten . die wîl
 50v,15 ez noch vride ist . unde sol
 50v,16 vore dem kampfe schirmen .
 50v,17 lernen . unde sol sich vore wâfenen

- 51r,1 ê daz di vîande zuo springen . man
51r,2 mac anders wole sigelôs werden .
51r,3 unde di burc verliesen . ob man sich
51r,4 denne êrste warnen wile . sô
51r,5 diu nôt ûf dem rûgge . lît . swes
51r,6 sich denne der mennische vore bewiget .
51r,7 ze dultenne widervert . im daz . sô dulte
51r,8 er ez dester lîhter . widervert ez
51r,9 im niht . sô ist er ze andern zîten
51r,10 doch deste unerschrockener . unde hât
51r,11 ouch den lôn . von dem guoten willen .
51r,12 dô küninc Josaphat in vride was
51r,13 dô bûwete er stete unde vestenete bûrge .
51r,14 ob in ein urluige an gienge .
51r,15 daz er gewarnet wær . alsô lêrt
51r,16 uns ouch ein wîser man . daz wir
51r,17 unser muot bereiten vore gein bekorunge .
- 51v,1 ze dem andern mâl . sol der guote mennische
51v,2 vore betrahten wie kleine im daz
51v,3 widermüete künne geschaden . allermeist
51v,4 von Worten . wort sint ein schal in den
51v,5 lûften . den der wint hin vüeret . unde mûgen .
51v,6 von ire natûr niht geschaden . der
51v,7 sich selbe dâ mit niht stichet . als
51v,8 wênic als ein andern schal . dâ von
51v,9 lâzen wir gense unde ageleistern gein
51v,10 uns schrîen . unde hunde bellen . und
51v,11 ahten . des niht . wan ez uns niht
51v,12 anders geschaden mac . ein wort
51v,13 mac mir niht an dem lîbe geschaden .
51v,14 die wîle ez niht . wan ein
51v,15 wort ist noch an dem guote . noch an
51v,16 den êren gein den liuten . wan vertrage
51v,17 ich ez mit senfte . ich bin
- 52r,1 in dâr nâch lieber unde werder . denne
52r,2 dâ vore unde hête ich ez halt verschuldiget
52r,3 mit sünden . man wære
52r,4 mir deste genædiger . ob ich mîn bereffunge ./
52r,5 oder mîner sünden itewîze
52r,6 gedulticliche vertrage .
52r,7 got ist mir ouch deste ungenædiger
52r,8 niht . ob mir ein mennische ein scherpfe
52r,9 wort hât gesprochen . er ist mir deste
52r,10 genædiger . ob ich ez diemüeticlichen lîde .
52r,11 daz niht schadet mir an lîbe noch
52r,12 an guote . noch an êren . noch an

- 52r,13 sêle . daz ist ein tôrheit ob ich mich
52r,14 selben dâ mit unnützelichen beswær .
52r,15 als der sich ze wer wider den
52r,16 winter setzet âne nôt . ze dem dritten
52r,17 mâle . sol der mennische den .
- 52v,1 schaden den im sîn ungedult erwirbet
52v,2 betrachten . unde von dem nutze .
52v,3 den diu gedult bringet . wan ungedult
52v,4 mêrt ein iegelich ungemach .
52v,5 mit ire bittericheit . unde beswært die
52v,6 gewizzene . durch die sünde . unde ergert
52v,7 ander liute . unde machet den
52v,8 mennischen selbe unwert gote unde
52v,9 den liuten . dâ wider diu gedult
52v,10 liebet uns gote . und ouch den
52v,11 liuten . unde hoehet den lôn . in dem
52v,12 himel . unde nimet di sünde . ab unde
52v,13 gît den andern guot bilede . und
52v,14 machet daz herze geruowic .
52v,15 unde unerschrocken . gein allen
52v,16 dingen . als der in einer guoten
52v,17 veste ist . der erschricket niht
- 53r,1 vore den reisærn . unde als der wole gein dem
53r,2 winter bewart ist . den machet daz ungewiter
53r,3 niht trûric . mac aber dich disiu vorebetrachtunge
53r,4 alliu niht gehelfen
53r,5 daz daz herze unbeweget belibe .
53r,6 von ungedult sô tuo zwei dinc .
53r,7 swîc unde erstecke den zorn . in
53r,8 im selben . daz er iht ûz slahe . unde
53r,9 daz hûs iht brenne . unde di andern
53r,10 ouch iht entzünde . lâ dir endanc
53r,11 sîn . ob der ber gestillet ist . unde hetze
53r,12 in niht ander stunte . einem andern
53r,13 ze leide . ûf dîn selbes vreise .
53r,14 wan der tobige hunt bîzet den
53r,15 hêrren als schier als den vremeden .
53r,16 eteslîche unwîse liute . sô in diu
53r,17 trüebesal vergên wile . di si habent .
- 53v,1 von einem smæhen worte . oder
53v,2 von anderiu . sô habent si sich wider .
53v,3 unde bindent . si ze herzen . daz si ir lange
53v,4 gedenkent . si tuont dem gelîche
53v,5 der ein suht . oder einen andern siechtuom
53v,6 hât erliten . unde sô er zergên wolte .

53v,7 sô machet er mit willen . daz er
 53v,8 im lange an haftet . unde di siechtuome
 53v,9 sint dâr nâch vile müelîche ze büezenne .
 53v,10 di alsô lange harrent .
 53v,11 dâr zuo biten wir unsern hêrren .
 53v,12 daz er kome zuo unserm .
 53v,13 herzen . sô wir im daz hûs vore verrunen
 53v,14 mit unvrîde . unde mit
 53v,15 unminne . er ist diu minne . unde
 53v,16 swer unminne heltet in dem herzen
 53v,17 der heltet gotes vîande . zuo den

54r,1 wile er niht geladet sîn . in ein herberge .
 54r,2 sîn ruowestat ist in dem vrîde . swer denne
 54r,3 mit unvrîde lebet . in des herzen mac er
 54r,4 niht ruowe haben . — — — —
 54r,5 die wîle wir vrîde mit uns selben
 54r,6 haben . sô mac uns kein ûzer unvrîde
 54r,7 niht vile geschaden . wir sulen
 54r,8 ouch den anderen vridelich sîn . als wir
 54r,9 des uns selben geren . wan ez ist dem
 54r,10 heiligen geiste beidenthalben getân .
 54r,11 swenne dû in ûz dînen herzen
 54r,12 trîbest . mit unminne . oder ûz
 54r,13 eines andern herzen . betrüebente
 54r,14 in âne reht . ietwederz ist sîn
 54r,15 hûs . unde sîn wonunge . dâ von
 54r,16 verstôz den wirt niht ûz sîner
 54r,17 herberge . ob dû gerst . daz er dich

54v,1 des himelischen heimuotes iht verstôze
 54v,2 diu vûnfte regel ist daz der guot
 54v,3 mennische . alle zît sî in einem guotlîchen
 54v,4 erneste . als der sich senet nâch
 54v,5 liebe . dâ mit entvliuhet er vile
 54v,6 schaden . an verlâzenheit . an îteler
 54v,7 vrôuwede . an klüterworten . an spotte
 54v,8 an müeziger rede . an unnützen
 54v,9 mæren . an urteilen an kivelworten .
 54v,10 unde an andern sachen .
 54v,11 der ein senigez herze âne ist .
 54v,12 wan ez mit sînem geschafte alsô
 54v,13 beheftet ist . daz ez der andern
 54v,14 kleine war nimet . alsô sprichet .
 54v,15 unser hêrre Jêsus Christus . “sælic
 54v,16 sint die klagenten . oder die senigen . wan
 54v,17 si werdent getroestet .” unde wan er daz weiz .

- 55r,1 daz uns sene alsô nütze ist . dâr
55r,2 umbe hât er uns alsô vile materje
55r,3 gegeben . klage unde senunge . beidiu
55r,4 umbe uns selben . unde umbe ander
55r,5 liute . unde umbe unser hêrren .
55r,6 umbe uns selben . umbe die sünde
55r,7 di wir getân haben . unde noch tegelîchen
55r,8 wider got tuon . umbe die
55r,9 gebresten . die wir haben an tugenden .
55r,10 an genâden . an . guoten werken .
55r,11 umbe den jâmer . daz wir hier
55r,12 in disen ellende . unserm hêrren .
55r,13 sô vremede . unde sô verre sîn .
55r,14 umbe daz . daz noch in zwîvel
55r,15 ist . ob wir iemer ze dem himelrîche
55r,16 komen sulen . wer möhte
55r,17 des niht erschrecken . allermeist .
- 55v,1 sît wir daz gehôrt haben . unde ouch gesehen wie
55v,2 guot liute verkêrt sint . unde vervallen . swâ aber
55v,3 die rîchen . von hunger verderbent . waz
55v,4 trôstes mügen . die dâ haben . die gar
55v,5 blôz sint . aller tugende hordes umbe
55v,6 ander liute haben wir ouch ze klagenne .
55v,7 umbe ire armuot . unde umbe ire siechtuom .
55v,8 umbe ire ungemach unde allermeist
55v,9 umbe ire sünde . wan klagent
55v,10 sich die selbe . unde trôste unsinne schult .
55v,11 swen man ze dem galgen vüeret . hât
55v,12 der sînen spot dâ von waz diutet
55v,13 daz . wan grôzen unsin . unde tobesuht .
55v,14 die sint deste mêr ze erbarmenne .
55v,15 wan erbarmeten si sich selbe
55v,16 über sich . sô möhte ir rât werden .
55v,17 aber wan si ire tobesuht .
- 56r,1 niht erkennt sô belîbent . si alsô
56r,2 in dem tôde umbe unsern hêrren .
56r,3 sulen wir ouch klagen die grôzen
56r,4 marter . die er âne sîn schulde
56r,5 vüre uns erliten hât . wan diu
56r,6 was âne mâze . unde über mennischlich
56r,7 verstantnisse . unde über
56r,8 der natûr aht . die leit er von unsern
56r,9 schulden willicliche . dâr
56r,10 nâch daz der lützel ist . di im
56r,11 der selben marter danc wizzen .
56r,12 als die süntær . unde dâr über . daz

- 56r,13 si im sô vile smâchheit . unde lasters
 56r,14 erbietent . mit sünden . unde die
 56r,15 allermeist . den er di groezesten
 56r,16 êre ûf der erde erboten hât .
 56r,17 unde den er sich selben . unde sîn êre

 56v,1 ûf ire triuwe bevolhen hât . als sumelich
 56v,2 kristenliute unde daz er
 56v,3 noch niht sîner güete vergizzet
 56v,4 ûf bezzerunge . dâr nâch waz er scheltworte
 56v,5 lîdet . unde sîn reinestiu muoter . von dem
 56v,6 vervluocheten volke . den ungeslahten
 56v,7 juden . von den blinden heidenen .
 56v,8 unde noch lîdende wirdet . von
 56v,9 verdarneten ketzeren . die den rehten
 56v,10 gelouben verkêrent . unde di
 56v,11 tôrohten liute verleitent . nâch
 56v,12 in ze der helle waz ist
 56v,13 îtelz lachen . unde mit unnutzen
 56v,14 worten . zît verliesen . alsô
 56v,15 daz wazzer dem viure . alsô
 56v,16 ist verlâzenheit . der anedâht .
 56v,17 iedoch sol der ernst getempert

 57r,1 sîn . daz ez ein sene sî . niht
 57r,2 ein grimme . grimme ist swinde .
 57r,3 mit der anegesiht . scherpfe mit
 57r,4 den worten . unerbermic mit
 57r,5 dem herzen . er ist gæhe ze
 57r,6 arcwâne . bereit ze rüegenne . im ist
 57r,7 urdrüzzic von gote lieplîchen .
 57r,8 kôsen ze redenne . oder ze hoerenne . vremede
 57r,9 tugende sint . im unsüeze er
 57r,10 irret di minne . an dem herzen .
 57r,11 der geistlich ernst gêt den mittern
 57r,12 wec . zwischen der îtelicheit .
 57r,13 unde der ungeordeneter trûricheit .
 57r,14 unde heltet daz herze in
 57r,15 anedâht . gein gote in minne
 57r,16 gein den mennischen . in zûhten .
 57r,17 an im selben . in gedult gein

 57v,1 ungemache in schiuhe gein allen sünden .
 57v,2 in versmæhede îteler êren .
 57v,3 in giredede gote ze bûezenne . unde nâch
 57v,4 sînem willen . durhnehticlîchen . ze
 57v,5 lebenne . unde die wîle nützelîchen an
 57v,6 ze legenne . — — —

- 57v,7 – . der got vürhtet . der ist an
 57v,8 nihtiu . versûmic . diu sehste regel
 57v,9 ist diemuot . an allen dingen .
 57v,10 an dem sinne . an dem willen . an dem
 57v,11 gedanke . an den worten .
 57v,12 an den siten . an der üebunge der
 57v,13 werke . an dem gewande . an dem
 57v,14 bûwe an dem hûsgerüste . diemuot
 57v,15 sol gemâlet sîn . an allen des guoten
 57v,16 mennischen siten . unde werken .
 57v,17 als ein rîtær des schilt ist . an
- 58r,1 allem sînen wâfengeziuge . gemâlet unde
 58r,2 gesniten . diemuot ist unsers hêrren wâfen .
 58r,3 daz er vuorte in dirre werlt . dô er den
 58r,4 kampf vûre uns vaht . gein dem
 58r,5 tiuvel mit dem tôde . swer sînes
 58r,6 wâfenes niht tragen wile . der
 58r,7 verlougenet sîn ze einem hêrren . und
 58r,8 wan er niht wile sîn rîtær sîn .
 58r,9 sô wirdet im ouch sînes soldes niht .
 58r,10 daz ist sîn heiliger geist . den
 58r,11 er gît . den di im gestênt strîtes .
 58r,12 wider den tiuvel . unde wider alliu
 58r,13 sîniu werc . daz sint sünde .
 58r,14 ditze wâfen hiez er uns nemen .
 58r,15 ze einem herezeichene .
 58r,16 unser herzoge . Jêsus Christus . dô
 58r,17 er sprach . “lernet von mir
- 58v,1 wan ich senftmüete bin . unde diemüetiges
 58v,2 herzen . sô vindet ir ruowe
 58v,3 iuweren sêlen .” als der stein niemer
 58v,4 eben gelît . die wîle er knûre hât .
 58v,5 unde bûhel . si werden êr . her abe gebillet .
 58v,6 alsô gewinnet daz herze .
 58v,7 niemer rehte ruowe . ê daz die
 58v,8 knûr . der übermüete . gar her abe gebillet
 58v,9 werden . beidiu mit eigenem
 58v,10 vlîze . unde mit ûzerm niderdrückene .
 58v,11 unde allermeist mit der ôlunge
 58v,12 des heiligen geistes genâden .
 58v,13 wan dem herzen ist . als dem
 58v,14 wallendem havene . der über sich ûz
 58v,15 dem havene wellet . sô sîn dannoch
 58v,16 ein guot teil lâr ist . giuzet man
 58v,17 ein wênic ôles dâr in . sô sitzt

59r,1 der wal nider . unde wellet senftliclichen . swie er
 59r,2 doch mêr hitze habe in im . denne dâ
 59r,3 vore von des öles kraft . alsô ist daz
 59r,4 herze . ungeruowet . unde wæjet ûz im selbem .
 59r,5 mit hôchvart . swie ez doch îtel sî . und
 59r,6 lâr tugende . würde ez aber begozzen
 59r,7 mit dem smalze . oder mit
 59r,8 dem öle . des heiligen geistes . sô sæze
 59r,9 er nider mit diemuot . unde hête starker
 59r,10 hitze . minne unde gerunge .
 59r,11 ze gote . doch mit mêr senfte . driu
 59r,12 dinc manent uns ze der diemuot .
 59r,13 unser nider . der heiligen hoehe . allermeist .
 59r,14 unsers hêrren . unde hôchverte .
 59r,15 schade . unde ire ungancheit unser
 59r,16 nider . di sehen wir an dem lîbe
 59r,17 unde an dem geiste . der lîp ist von

59v,1 erde . unde wirdet von swachen dingen
 59v,2 unde wirdet ze swachen dingen . als
 59v,3 uns di tôten zeigent . wan daz si
 59v,4 sint . daz werden wir . âne wân
 59v,5 gewislîchen . unde vile lîhte schierer
 59v,6 denne wir wænen . daz wir
 59v,7 iezuo sîn . daz ist ungæbe . ein misthûfe .
 59v,8 der von horwe ist . unde ouch
 59v,9 mist in im . beheltet . ein ursprinc .
 59v,10 alles unvlâtes . der ze allen
 59v,11 steten ûz diuzet . ein suhtbrunne .
 59v,12 ûzen ein gemâltiu horelade .
 59v,13 innen ein vûler schanthort .
 59v,14 einen iegelîchen boum .
 59v,15 kiuset man bî sîner vruht . wie
 59v,16 edel er sî . alsô ahte ein iegelich
 59v,17 mennische sînes lîbes edel . bî sîner

60r,1 vruht . waz von im wahse . unde von
 60r,2 im vlieze . unde smecke . unde rüeme
 60r,3 sich des als er welle . unde mege ich
 60r,4 gan im aller êren wole . sümelich
 60r,5 boum treit muscâtobez . sümelich
 60r,6 balsamsaf . sumelîcher zimînsmac .
 60r,7 dâr nâch unde sîn aht ist . den gelîche
 60r,8 ein iegelîcher sînen lîp . an der sêle
 60r,9 sô merken disiu dinc . waz wir
 60r,10 übels tuon . mit den dingen . diu
 60r,11 uns got verboten hât . unde guotes versûmen
 60r,12 diu er uns geboten hât .

- 60r,13 sô wir daz allez ervüllet hêten .
60r,14 daz wær kleine gein den dingen .
60r,15 diu er uns gerâten hât . diu sint
60r,16 aber als ein bône gein einem
60r,17 berge . dâ wider unde er umbe
- 60v,1 uns verdient hât . unde dâ wider . unde
60v,2 er wert wær . daz man in minnete .
60v,3 unde êrte unde im diente . sît wir denne
60v,4 des kleinsten . als vile versûmen .
60v,5 des wir niht behalten . sô en dürfen
60v,6 wir uns niht hôhe rüemen . unser
60v,7 guotæte . dannoch daz kleine . daz
60v,8 wir behalten . daz ist unser niht .
60v,9 ez ist uns gelihen . von gotes genâden .
60v,10 unde müezen rede dâ von geben
60v,11 ob wir di verlihen genâde wirdicliche
60v,12 entvangen . haben . unde
60v,13 getriuwelichen geüebet haben . ze
60v,14 wuocher . oder ob wir si in der erde
60v,15 verborgen haben unde erwafelt
60v,16 daz ist ob wir die genâde guoter
60v,17 werke . durch des lîbes liebe
- 61r,1 mit trâcheit versûmet haben .
61r,2 dâr zuo daz selbe . daz wir tuon
61r,3 sulen . daz ist alsô wurmic . von
61r,4 slêwicheit . von urdrütze . von
61r,5 murmelunge . von îteler êre . von
61r,6 gelîchsenheit . von andern untugent .
61r,7 daz wir uns sîn wênic mûgen
61r,8 gerüemen . von der wârheit
61r,9 unde daz uns noeter ist nâch genâden .
61r,10 gein gote ze dingenne . umbe
61r,11 unser slêwicheit . denne nâch
61r,12 hôhem lône . wan wile er unser
61r,13 guotæte nâch rehte an sehen . sô
61r,14 ist si wirdiger pîne denne
61r,15 lobes oder lônës . dâr zuo sîn wir
61r,16 blint . der verstantnisse . unstæte
61r,17 an der gehügede . kranc an
61r,18 dem gelouben . arm an allen
- 61v,1 tugenden . geneigic gein
61v,2 sünden . bloede gein den bekorungen
61v,3 swâ wir aber behuot
61v,4 sîn . von eteslichen sünden .
61v,5 daz ist niht von unser vrûmicheit .

61v,6 ez ist lûterliche . dâ von daz got
 61v,7 der bekorunge niht gestatet .
 61v,8 gewaltes über uns . unde daz er di
 61v,9 ursache der sünden . von uns
 61v,10 hât gevremedet . ez vellet manic
 61v,11 mennische in sünde . den wir sêr
 61v,12 dâr umbe urteilen . hête wir die
 61v,13 selben ursache ze sünden gehabet .
 61v,14 wir wâren lîhte tiefer gefallen
 61v,15 lîhte vallen wir . müeliche komen
 61v,16 wir wider ûf . als der bettesieche .
 61v,17 âne alle di vreise . di uns widervarn
 61v,18 mac . vore unde ouch nâch .

62r,1 dem tôde . an lîbe an sêle . diu sorge mac
 62r,2 uns ouch nider drücken . unde diemüetigen .
 62r,3 ob wir si an sehen wellen .
 62r,4 der heiligen hoehe diemüetiget uns
 62r,5 sô wir sehen ire tugende . unde ire
 62r,6 durhnehticheit . volbrâhticheit .
 62r,7 gein unser ungancheit daz wir
 62r,8 gein in sîn âne tugenden . als die
 62r,9 höuweschrecken . gein den risen .
 62r,10 daz uns daz ungeloubic ist ze hoern
 62r,11 daz si an den werken volbrâhten .
 62r,12 unde daz die seltsæne sint . under
 62r,13 guoten liuten . diu niuwan dar gesehen
 62r,14 mügen . mit der verstantnüsse .
 62r,15 dâ si wâren mit der wârheit .
 62r,16 - - - - - .
 62r,17 unde daz was an lidenne . an tuon
 62r,18 an habenne . tugentlîchiu dinc .

62v,1 unde heilicheit . aber gotes erkantnusse .
 62v,2 diu diemüetiget über alliu dinc .
 62v,3 sô man sîne hoehe an sihet . unde
 62v,4 sîn übermagenkraft . diu ist
 62v,5 über alliu dinc . diu ie wurden .
 62v,6 tûsent stunte hoher . unde micheler .
 62v,7 denne ein siuren ouge .
 62v,8 gein tûsent werlten mit allem
 62v,9 daz dâr inne ist . unde dâr ûf mit
 62v,10 himel unde mit erde . -
 62v,11 - - - . wie mac sich ein aschenhûfelîn .
 62v,12 gein dem ûf gerihten .
 62v,13 mit hôchvart vore dem
 62v,14 himel . unde erde bidement . gein
 62v,15 sînem êwigen hêtuome . drücke

- 62v,16 dich nider stöubelîn daz dû iht
 62v,17 gar zerstiebest . wan got widerstêt
 62v,18 den hôchvertigen . unde gît

 63r,1 den diemüetigen sîn genâde . der
 63r,2 hôchverte schade manet uns ze diemuot
 63r,3 unde ouch ire ungancheit . swâ
 63r,4 si sich zuo mischet . daz machet
 63r,5 si gote widerzæme . swie guot ez ûzen
 63r,6 schîne . daz er sîn niht danket .
 63r,7 wan mit pîne . got richet ouch
 63r,8 kein sünde . alsô ordenlîche . beidiu
 63r,9 in dirre werlt . unde in jener als
 63r,10 hôchvart . si machet den mennischen gote
 63r,11 widerzæme . unde den liuten gevellet
 63r,12 mir eines mennischen werc wole .
 63r,13 daz ich gebezzert wurde . unde ein
 63r,14 vröuwede in dem herzen dâr zuo hân .
 63r,15 wurde ich des an im innen daz
 63r,16 er im selbem dâ von gevellet . unde daz
 63r,17 er gert ouch den ander wole gevallen .
 63r,18 zehant sô erlischet mir mîn

 63v,1 vröuwede . die ich vore gein im gehabet hân . unde
 63v,2 bezzerunge mînes herzen . als der in den
 63v,3 wallenden haven . ein kaltez wazzet
 63v,4 in giuzet . als daz wîrouch
 63v,5 sînen edelen smac . verliuset . sô ez
 63v,6 vlamme gît . alsô verliesent guotiu werc
 63v,7 – – . ire tugende smac
 63v,8 sô si îtel êre . dâ zuo gemiscent
 63v,9 mit willen . – – –
 63v,10 – – – –
 63v,11 – – – – .
 63v,12 daz sprichet sancte Paulus “wolte
 63v,13 ich noch den liuten gevallen . sô
 63v,14 wær ich niht des heiligen Kristes
 63v,15 knehte .” îtel êre ist niht
 63v,16 niuwan ein betrogener
 63v,17 wân . daz den tôrohten mennischen
 63v,18 dunket er sî des er

 64r,1 niht ist . als dem troumet . wie er
 64r,2 ze wirtscheften geladen sî . sô er
 64r,3 denne zuo sihet . sô lît er hungeriger
 64r,4 in dem bâhte . unde wan er denne sich
 64r,5 selben betriuget . mit valschen
 64r,6 wâne . sô betriuget er ouch ander liute

64r,7 an im . daz er muotet . daz man
64r,8 in habe . baz denne er ist . von der wârheit .
64r,9 daz ist des tiuvels sünde . als
64r,10 unser hêrre sprichet . daz er in der
64r,11 wârheit niht bestüente . unde er ein
64r,12 lügenær ist . von aneenge . sînes
64r,13 valles . daz er wænet sîn . des er
64r,14 niht ist . er wænet sîn hoeher denne
64r,15 er ist . dâ von setzet er sich wider
64r,16 got . als ob er im geheben müge
64r,17 von sîner îtelen betrogenheit . niht
64r,18 von der wârheit . dâ von heizet hôchvart

64v,1 anevanc . aller sünden . wan
64v,2 sæhe sich der mennische reht an . waz
64v,3 er ist . gein dem . wider den er sich
64v,4 setzet . sô er sündet . er getorste
64v,5 ez niemer geleben . hôchvart
64v,6 ist ouch dâr an betrogen . si wænet
64v,7 dicke man lobe si . sô man ir spottet .
64v,8 unde verliuset der toerische mennische
64v,9 vile arbeite . durch lop . unde durch êre .
64v,10 unde en weiz dannoch niht . ob in
64v,11 di liute . dâr umbe loben . wellen .
64v,12 oder versmæhen . wan daz stêt an ire
64v,13 genâden . unde lop ist dicke niuwan
64v,14 ein vienen . unde ein valschez liepkôsen .
64v,15 des in umbe daz herze niht
64v,16 ist . daz man aber di rîchen êret .
64v,17 dâ meinet man si niht mit . man
64v,18 meinet ire pfenninge . unde daz

65r,1 man gâbe von in gewartet . swenne
65r,2 aber man denne erwartetet hât
65r,3 sô ist ire êre kleine . als di hunde
65r,4 unde di gîre . di dem âse nâch ziehent .
65r,5 swenne aber ez gar vernomen
65r,6 wirdet . sô lâzent si ez ligen
65r,7 dorren sælic ist der sîn êre . der
65r,8 wârheit bevilhet . niht dem wâne
65r,9 wan diu wârheit ist . daz wir
65r,10 boese sîn . unde guotes niht von uns
65r,11 selben haben . niuwan sünde unde
65r,12 unser übeltæte . ist gar übel . unde
65r,13 unser guotæte . ist niht lûter . guot .
65r,14 unser hêrre ist alsô milte . daz
65r,15 in alsô wole lustet ze gebenne . vile genâden .
65r,16 dem mennischen . als er selbe guot

- 65r,17 ist . irrente in unser hôchvart .
65r,18 sît wir der alsô vile haben . in grôzer
- 65v,1 armuot . wie vile würde ir denne .
65v,2 ob wir rîcher wæren . swaz
65v,3 got durch sîner güete êren . genâden
65v,4 gît . di stilet im unser hôchvart .
65v,5 unde verkoufet si umbe ein
65v,6 hallerwert . valscher êren . des müezen
65v,7 wir entgelten . diu sibende
65v,8 regel ist . daz man daz herze
65v,9 alle stunte ze gote vüege . unde in alle
65v,10 zît vore des herzen ougen habe . mit
65v,11 anedâht . alle zît sîn wir in sînem
65v,12 herze . dâ von ist daz billich .
65v,13 daz wir im gelten . nâch unsern
65v,14 staten . die grôzen liebe .
65v,15 die er gein uns hât . ez andet
65v,16 ein hundelîn . sô ez sînen kunden
65v,17 an sihet . ob er sîn kein war
65v,18 tuot ez ist ein grôziu unzuht
- 66r,1 sô der hêrre mit sînem knehte iht
66r,2 ahten wile . ob er im denne den
66r,3 rügge kêret . alsô ist daz ein untriuwe .
66r,4 sô got mit uns gerne sîn
66r,5 genâde zeigete . unde daz wir des
66r,6 endes niht sehen wellen . noch
66r,7 sîn kein war tuon . unde tuon im
66r,8 des niht stat daz er uns sîn heimelîche
66r,9 erzeige . unde ein wîle bî
66r,10 uns ruowe . des ruowe iezuo seltsæne
66r,11 ist ûf erde . er mac aber noch
66r,12 klagen als wîlent “des mennischen
66r,13 sun hât niht . dâ er sîn houbet
66r,14 geneige . ze vridesamer ruowe .”
66r,15 ein ander sache ist . wâr umbe
66r,16 wir in . alle zît vore uns haben
66r,17 sulen . wir haben niht guotes
66r,18 von uns selben . des uns nôt
- 66v,1 wær . niuwan als ez uns alle zît von
66v,2 im vliuzet . dâr umbe bedürfen
66v,3 wir . daz wir alle zît im warten
66v,4 gein der genâden hant . als daz kint
66v,5 ze der muoter . unde als diu rebelîn
66v,6 in dem neste . diu den munt
66v,7 alle zît offen habent . gein dem

66v,8 himeltrôre . die wîl si noch niht
66v,9 gevidert sint . unde ruofent nâch
66v,10 ire spîse . sô daz venster verschoben
66v,11 ist . sô en mac der sunnenschîn
66v,12 niht dâr in vrîlîchen gevliezen .
66v,13 sô ist daz hûs kalt . unde vîenster .
66v,14 alsô geschihet uns . sô wir daz
66v,15 venster der gehügede . verrunen .
66v,16 mit irdischen schübelen ûzers
66v,17 geschaftes . übervlüziclichen .
66v,18 sô en mac der wâre

67r,1 sunnenschîn . in unser herze milticlichen
67r,2 vliezen . unde troestlichen .
67r,3 wan im der vluzganc
67r,4 verleit ist . daz er weder daz lieht .
67r,5 der lûtern erkantnusse .
67r,6 noch die hitze der gotelîchen liebe .
67r,7 dâ in giezen mac dâ von
67r,8 bestêt ez vîenster . von unverstandenheit .
67r,9 unde von kleiner
67r,10 liebe . — — — —
67r,11 — . diu sunne . ist ire
67r,12 schînes milte swâ si niht irresales
67r,13 hât . von andern dîngen .
67r,14 unde dâ man ir den wec niht
67r,15 versetzet . diu dritte sache ist .
67r,16 dâr umbe wir daz gemüete . zuo
67r,17 gote sulen vüegen . allez daz in der
67r,18 werlt ist . daz ist unstæte . unde unruowic

67v,1 dâ von vindet daz herze
67v,2 niht . dâ ez an ruowe . niuwan an
67v,3 gote alein . diu sêle ist nâch gote geformet .
67v,4 unde gebiledet . dâ von mac
67v,5 si ûf keinen andern dînge . ruowen .
67v,6 wan ûf ire eigenlîcher forme dâ si
67v,7 ûf gebræchet ist . als ein insigel
67v,8 ûf sînem stempfel . swaz
67v,9 der mennische anders ze ahtenne hât . denne
67v,10 von gote . daz ist der gewizzene . ein
67v,11 unruowe . unde der gerunge genüeget dâ mit .
67v,12 niht . swie guot ez anders schînet .
67v,13 als der uneben lît . der kan niht
67v,14 wole geslâfen . unde windet
67v,15 sich hin unde her . wider von unruowe
67v,16 alsô gert daz herze . allez
67v,17 eines andern . swie guot daz ist .

67v,18 dâ ez mit bekümbert ist . die wîle

68r,1 ez an gote niht haftet mit
68r,2 ruowe . “Martha Martha . dû bist
68r,3 sorcsam . unde wirst betrüebet .
68r,4 umbe manigiu . aber einez des
68r,5 ist nôt . Maria hât daz bezziste
68r,6 teil . erwelt . daz ir niht benomen
68r,7 wirdet .” daz eine des dâ
68r,8 nôt ist . daz ist an gote ruowen .
68r,9 daz ist daz bezziste teil . daz der
68r,10 reinen sêle niht benomen
68r,11 wirdet êwiclîche . sô disiu manigen
68r,12 dinc ende habent . dâ mit
68r,13 wir nû betrüebet sîn . in diser
68r,14 werlt . si betrüebent uns wan
68r,15 si sint den kranken ein ursache .
68r,16 betrüebunge . unde nîdes
68r,17 unde gîticheit . si sint ouch den
68r,18 guoten ein trüebe .

68v,1 urdruzzes . unde unmuoze . daz si
68v,2 dâ mit ungerne . beheftet sint .
68v,3 unde sîn gerâten gar niht mûgen .
68v,4 di heiligen betruobent si ouch . wan
68v,5 in diu lûter verstantnüsse . der
68v,6 himelischen klârheit . dâ mit
68v,7 trüeber ist . die wîle si hier dâ mit
68v,8 gevangen sint . in disem toetlîchen
68v,9 lîbe . nieman sol aber wânen
68v,10 daz der umbesweif irdischer .
68v,11 gedanke wîter sî . denne geistlîcher
68v,12 betrachtunge . dâ von daz
68v,13 uns unnütze gedanke manicvaltiglîcher
68v,14 zervliezent . denne
68v,15 die guoten . uns ist als di in einem
68v,16 engen tellîne . erzogen sint . unde
68v,17 nie wîte gesâhen die wundert
68v,18 wie den wîten landen sî . dâ

69r,1 man ze ende niht gesehen kan .
69r,2 von der wîte . wir sîn in disen ertrinc
69r,3 geworfen . unde wizen
69r,4 niht . daz diu erde . daz kleinste
69r,5 stücke ist . der werlt . under den
69r,6 elemenden . sô ist disiu gesichtlich
69r,7 werlt vile kleiner . unde
69r,8 untiurer . denne diu geistlich

69r,9 werlt . wan dâ ist . diu wîsheit
69r,10 inne . dâ sich die lûtern
69r,11 geiste inne erswingen sulen .
69r,12 unde erwîtern . unde dannen über
69r,13 sich vliegen in di hoeche diu
69r,14 niht endes hât . dâ inne alliu
69r,15 dinc gezelt sint . unde beslozen .
69r,16 daz ist got selbe . aller
69r,17 dinge . hêrre . unde sache . unde
69r,18 anegeunge unde ende dâ ruowet

69v,1 diu sêle inne . wan sô ist si
69v,2 an dem zile . dâ si niht vûrebaz darf .
69v,3 êr dem zile mac si . niht geruowen
69v,4 ze gesihtclîchen dingen . wîsent
69v,5 uns di lîplîchen sinne . ze unsihtclîchen
69v,6 sachen . wîset uns
69v,7 diu bescheidenlich verstantnisse
69v,8 ze geistlîchen dingen . wîset
69v,9 uns der heilige geist . wan diu sêle
69v,10 ob allen dingen . under gote ist .
69v,11 sô ervindet si diu dinc . diu under
69v,12 ir sint . unde bî ir selben . wan si
69v,13 ist ein geschaffenez ÊxÊmplâr . nâch
69v,14 gote . aller dinge . swie doch der engel
69v,15 in sîner natûr . noch ein teil
69v,16 lûterer sî . ir wirdet aber ervollet
69v,17 von genâden . des si minner
69v,18 hât . noch von natûr . aber diu

70r,1 dinc diu ob ir sint . diu mac si
70r,2 niht vore ir selber . bevinden .
70r,3 niuwan mit des helfe der alein ob
70r,4 ir ist . unser hêrre got aller
70r,5 dinge . hêrre doch hât er sich
70r,6 zuo uns her abe geneiget mit sîner
70r,7 mennischheit . daz wir in vore
70r,8 uns haben alsus . die wîle wir
70r,9 in noch niht mûgen nâch sîner
70r,10 goteheit erkennen . als ein licht
70r,11 in der laterne verborgen . daz ez
70r,12 den broeden ougen deste vertregelîcher
70r,13 sî . biz si geheilen . mit
70r,14 zwein armen sulen wir in
70r,15 an uns halsen . mit gebete . unde
70r,16 mit reinen gedanken . daz
70r,17 gebet ist drîvaltîc einez sô
70r,18 wir sprechen diu gebet . diu

- 70v,1 der heilige geist . durch anderre
 70v,2 mennischen munt getihtet hât .
 70v,3 als di salm . unde ymne . unde –
 70v,4 – . unde anderiu solichiu gebet .
 70v,5 daz ander ist daz dû von dîn selbes
 70v,6 herzen kôsest mit gote .
 70v,7 unde mit sînen heiligen . als dich
 70v,8 denne der heilige geist wîset . unde
 70v,9 klagest im daz dir wirret . unde
 70v,10 bitest in . umbe diu dû gerst . unde
 70v,11 dankest im des dû hâst . beidiu
 70v,12 umbe dich selben . unde umbe ander liute
 70v,13 daz dritte ist in dem herzen . âne
 70v,14 ûzeriu wort . mit lûter gerunge .
 70v,15 sô der munt niht mit worten gar
 70v,16 vûre gelegen kan . als vile daz
 70v,17 herze innen bevangen hât . mit
 70v,18 girede . daz êrste ist guot . daz ander

 71r,1 ist eteswenne bezzer . daz dritte allerbezziste .
 71r,2 di gedanke sulen ûf
 71r,3 vier dinc gerihtet sîn . daz wir
 71r,4 dâ von werden . ze gotes liebe
 71r,5 entzündet . dâr nâch daz wir die
 71r,6 sünde . unde di untugende lernen
 71r,7 hazzen . unde vliehen . unde daz
 71r,8 wir ze der tugende vlîze werden
 71r,9 erwecket . unde daz wir uns
 71r,10 selben lernen versmæhen . aber
 71r,11 von den materjen . di ûf disiu
 71r,12 vier dinc gênt . mac ich
 71r,13 nû niht vûrebaz geschrîben .
 71r,14 von unmuozen . unde von andern
 71r,15 irresaln . disiu siben regelen
 71r,16 mügen bediuten . diu siben
 71r,17 jâr diu küninc Salomon daz
 71r,18 tĒmpel bûwete . ze Jerusalēm

 71v,1 nâch sînes vateres Dâvîdes lêre .
 71v,2 der im di kost ouch dâr zuo gap .
 71v,3 dâ mit er iz erziugete . unde als
 71v,4 nieman vore dem wîsen Salomon
 71v,5 möhte daz tĒmpel volbringen .
 71v,6 alsô ist nieman wîse geistlicher
 71v,7 wîsheit . der disiu sibeniu niht
 71v,8 hât . noch vlîzet sich ze gewinnenne
 71v,9 an den werken swer si

71v,10 ouch gewinnet . der hât di kost .
 71v,11 dâ mit er gote ein geistlich
 71v,12 tÊmpel machete in im selbem .
 71v,13 des ouch uns der wær Salomon
 71v,14 gehelfe Jêsus Christus . des himelischen
 71v,15 vaters einborener sun . âmên
 71v,16 hêrre Jêse Christe . dô dû mennische würde . dô /
 71v,17 geschâhen driu dinc . âne underlâz .
 71v,18 mit einander . daz ein volbrâhter mennischlich

72r,1 lîp . an allen liden . geschepfet
 72r,2 wart . unde ein niuwiu
 72r,3 sêle dem lîbe in gegozen wart .
 72r,4 volkomen an allen kreften
 72r,5 unde diu êwige goteheit . des
 72r,6 gotes sunes . den lîp unde di sêle .
 72r,7 mit einander . an sich entvienc .
 72r,8 alsô ze stæte . daz si niemer
 72r,9 mêr sich geschiet . noch
 72r,10 gescheide von lîbe . noch von
 72r,11 sêle . swie doch lîp unde sêle . sich
 72r,12 scheiden . ze einer vrist . an dem
 72r,13 tôde . dû woltest uns ouch zeigen
 72r,14 dîn kraft dâr an . dô dû
 72r,15 grôziu dinc tuon woltest .
 72r,16 diu niht grôzer möhten
 72r,17 sîn . dô würde dû kleine . daz
 72r,18 mennische vile lîhte . nie kleiner

72v,1 wart . mit volbrâhter geschepfede .
 72v,2 dô dû uns alle starc machen
 72v,3 woltest . dô würde dû kranc
 72v,4 unde toetlich . als der im selben niht
 72v,5 gehelfen möhte . dô dû uns überrîche
 72v,6 machen woltest . mit dem
 72v,7 unerschepfeten horde . dô würde
 72v,8 dû arm . als der im selben einen
 72v,9 wazzers trunc niht möhte
 72v,10 geleisten . daz wir dâ bî erkennen .
 72v,11 waz dîn michel unde
 72v,12 dîn almaht . unde hêrtuom . mac
 72v,13 getuon . sît dîn kleine . dîn kranchheit .
 72v,14 dîn armuot sô grôziu
 72v,15 dinc . sô kreftigiu . sô hêrlîchiu
 72v,16 mac volbringen . daz
 72v,17 ist ob allen dingen ze wundern .
 72v,18 daz ein kint niht einer hende

73r,1 lanc . als dû wær in dîner muoter lîbe . himel unde
73r,2 erde besliuzet . unde daz ein sûgentez
73r,3 kint bewindeltez . daz
73r,4 hebennes unde legennes bedarf . unde
73r,5 ein toetlîcher mennische . dem diu
73r,6 sêle . vore kranchheit ûz gie . daz
73r,7 der alliu dinc ûf habet . unde berihtet
73r,8 mit sîner kraft . unde daz
73r,9 ein armer betelær . der niht hête .
73r,10 dâ er sîn houbet geneigete . daz .
73r,11 der aller rîche waltet in dem himel
73r,12 unde in erde . unde daz ein unsprechendez
73r,13 kint . mit sîner wîsheit .
73r,14 di engel lêrt in himel
73r,15 unde aller wîsheit waltet . hôher
73r,16 unde niderre . hier mit hâst
73r,17 dû uns mêr dîner kraft erzeiget .
73r,18 daz dû kranker starc

73v,1 bist . unde arm rîche . unde kleine
73v,2 michel . unde kindische wîse .
73v,3 danne ob dû grôziu dinc .
73v,4 mit dîner magenkraft hêtest
73v,5 alein volbrâht . wir vinden
73v,6 an dîner mennischheit . di groeze
73v,7 kleine di lenge gekürzet
73v,8 di wîte geenget . di sterke gekrenket .
73v,9 di hoehe genidert .
73v,10 die rîchheit geermet . di wîsheit
73v,11 vertoeret . unde daz mêr ze wundern
73v,12 ist . disiu tôrheit ist . diu
73v,13 hoeheste wîsheit . disiu armuot
73v,14 gît diu übermæzigen rîchheit .
73v,15 disiu kranchheit . vûrbet
73v,16 di êwigen werhafticheit .
73v,17 disiu kürze . di êwicheit .
73v,18 disiu kleine . diu gotelîchen

74r,1 michel . dû êwiger sunnenschîn .
74r,2 dû hâst dich her nider gelâzen .
74r,3 zuo uns . daz dû uns ûf zuo
74r,4 dir zügest . mit dîner hitze .
74r,5 als diu sunne ûf ziuhet der
74r,6 erde tampf . unde liutert in ze
74r,7 klârem lufte . dû bist des himelischen
74r,8 vaters . êwiger
74r,9 schîn . wan dû von im êwiclîchen
74r,10 im eben geboren bist .

- 74r,11 dû hâst dich her abe geneiget .
74r,12 zuo uns mit der diemuot . daz
74r,13 dû uns mit dîner minne hitze .
74r,14 ûf zuo dir ziehest . von aller
74r,15 irdischer liebe . dîn heiliger
74r,16 geist . iuwer beider êwigiu
74r,17 minne . ist diu hitze . diu
74r,18 alliu herze entzündet . diu
- 74v,1 dîner gotelîchen klârheit . sulen
74v,2 teilhaft werden . wan nieman
74v,3 wirdet in di himelische lûtericheit
74v,4 verwandelt niuwan mit der gotelîchen
74v,5 minne . diu machet des
74v,6 mennischen geist mit gote einen
74v,7 geist . als der erlûhtet luft .
74v,8 mit dem sunnenschîne . ein
74v,9 lieht ist . wan uns aber dîn
74v,10 gotelîche brehente schîn . ze starc
74v,11 was . von unser broedicheit
74v,12 dô temperetest dû uns daz lieht
74v,13 mit der reinen laterne . dîner lûtern
74v,14 mennischheit . dâ diu goteheit
74v,15 inne verborgen was . ditze
74v,16 lieht entvienc diu reineste
74v,17 muoter . von des heiligen geistes
74v,18 minne . maget wesente
- 75r,1 unde als reiniclîchen si dich entvienc .
75r,2 âne alle sünde . als reiniclîchen
75r,3 gebar si dich . alsô
75r,4 âne alle pîne daz ire magetlich
75r,5 reinicheit . entwederhalp nie
75r,6 gekrenket wart . des was
75r,7 wonders niht von dir . dû alliu
75r,8 dinc maht . diu dû wilt sît
75r,9 wir sehen . daz ein sunnenschîn .
75r,10 durch ein glas brichet . mit
75r,11 sînem liehte . unde doch daz glas
75r,12 ganz belîbet . unde als der sunnenschîn .
75r,13 sich nâch dem glase verwet .
75r,14 dâ er durch schînet . alsô
75r,15 hâst dû êwiger sunnenschîn
75r,16 Jêse Christe . dich nâch des mennischen
75r,17 natûr geverwet . di dû von dîner
75r,18 reinesten muoter entvienge .
- 75v,1 alsô bist dû wârer got unde

- 75v,2 mennische gotes sun . von gote
75v,3 geboren êwiclîche . unde mennischen
75v,4 sun . von mennischen
75v,5 geboren . reiniglîche . wan dû
75v,6 bist ein brunne . aller reinicheit .
75v,7 wan dû uns von dem himelischen
75v,8 vater gesant bist .
75v,9 ze einem lêrær . des weges . der
75v,10 ze dem himelrîche gêt . dâr umbe
75v,11 allez daz dû in dirre werlt getân .
75v,12 unde gesprochen hâst . daz
75v,13 ist uns ein lêre . waz wir gelouben .
75v,14 oder tuon sulen . oder mîden
75v,15 oder lîden . unde daz wir ûz dînem
75v,16 vuoospore niender wenken wan
75v,17 dû von himel komen bist . sô
75v,18 ist der wec aleine genzlîchen
- 76r,1 kunt . unde âne dich kan nieman
76r,2 dar komen . dû bist daz licht .
76r,3 dû bist der wec . dû bist der wîsær .
76r,4 dû bist diu wegespîse . dû bist
76r,5 der schirm . dû bist der helfær .
76r,6 dû bist der vroelîche wegegeselle .
76r,7 der uns di wîle kürzet .
76r,8 unde di arbeit senftet . unde di herberge
76r,9 bereitet . dâr umbe würde
76r,10 dû ûf dem wege geboren .
76r,11 niht in der heimuote . daz wir
76r,12 uns ellende erkennen . unde dich
76r,13 ze geverten suochen . wan dû durch
76r,14 uns ellende worden bist .
76r,15 dû woltest armer liute kint
76r,16 heizen . unde in armuot geboren
76r,17 werden . daz wir sâhen .
76r,18 wie hôhe di zwô tugende vore
- 76v,1 dînen ougen sint . diemuot . unde willigiu
76v,2 armuot . dâ sich der êren
76v,3 küninc sô zierlîche mit gekleidet
76v,4 hât . dîn êrstiu herberge
76v,5 was ein gemeiner vihestal .
76v,6 daz dû uns lêrtest . überigiu
76v,7 vluz . versmâhen . unde ûzer
76v,8 gezierde . unde allen unsern vlîz
76v,9 kêren . an des herzen reinicheit
76v,10 ouch zeigest dû uns daz
76v,11 wir ze vihe worden sîn . mit

- 76v,12 vihelicher giredē . unde mit sūnticlîchen
76v,13 siten . mit ungewizzener
76v,14 verstenticheit .
76v,15 als ein vihe . daz sînes hêren
76v,16 niht erkennet . nû hâst dû
76v,17 dich in barn geleit . daz wir
76v,18 dich lernen erkennen . unde vûre
- 77r,1 daz hōuwe der irdischen gelust . lernen
77r,2 daz wāre himelbrôt ezzen
77r,3 di zimelîchen spîse . daz
77r,4 dû vore Herōde in Egiptum vlûhe .
77r,5 alsô ob dû in dem lande niht trûwetest
77r,6 vore im genesen . unde als ein æhtær
77r,7 daz lant rûmetest . dâ mit starktest
77r,8 dû uns . ob uns geschæhe
77r,9 daz ellende durch dich ze
77r,10 bûwenne dû lêrtest uns ouch dâ
77r,11 mit daz wir under wîlen boeser
77r,12 liute . zorne mit stille entwîchen .
77r,13 unde niht ire übel mit
77r,14 herticheit begegē . daz
77r,15 der sünden iht mêr werden
77r,16 von herten widerstōzen
77r,17 snîdenter worte . dô dû uns
77r,18 gelêrtest in dîner stille . biz
- 77v,1 an drîzic jâr . alle die volkomenheit . der
77v,2 ein mennische bedarf . sich selben ze berihtenne
77v,3 daz ieman sich an
77v,4 neme ander liute . berihten . der
77v,5 noch selbe unverrihtet ist .
77v,6 als der boum der êr . bîret êr . er bekomen
77v,7 sî . dâr nâch giēge dû
77v,8 her vûre . under di liute . lêrn unde
77v,9 ougen . wâr umbe dû kōmen
77v,10 wær . in dîse werlt . daz dû uns
77v,11 hin wider ze himel bræhtest
77v,12 unde mit dîner lêr zeigest
77v,13 dû uns den wec dar mit .
77v,14 den zeichenen zeigest dû uns .
77v,15 daz dû got bist . dem wir
77v,16 gelouben sulen . allez daz dû uns
77v,17 lêrest . dem alliu dinc gehōrsam
77v,18 sint in dirre werlt . unde
- 78r,1 neigent . wan dû iz allez geschaffen
78r,2 hâst . daz ez dir diene .

78r,3 ze dem erwelten heile .
78r,4 dîn êrstez zeichen was . vore
78r,5 dînen jungern in der stat .
78r,6 Cana Galilea . dâ dû daz wazzer
78r,7 ze wîne verwandeledest . ze der
78r,8 brûtluft . lêrst uns . daz dû
78r,9 dâr umbe hâst mennischlich
78r,10 natûr . mit dîner goteheit
78r,11 zesamene gemahelt . daz dû
78r,12 unser begirede . di ungesmac .
78r,13 hier sint . als daz wazzer verwandeln .
78r,14 solt in di
78r,15 goteliche süeze . diu uns
78r,16 dîn . alsô trunken machen
78r,17 sol daz wir jâmers unde alles gebresten
78r,18 gar iemer mêr vergezzen .

78v,1 daz dû vore – andern zwelif
78v,2 junger ûz weltest di dû hieze
78v,3 dîn boten . dâ zeigtest dû
78v,4 mit . als dirre werlt tac hât
78v,5 zwelif wîle . alsô hât dû êwiger
78v,6 sunnenschîn . himelischer
78v,7 tac . alle di werlt erlûhtet
78v,8 mit dîner lêre . di uns di zwelif
78v,9 boten gekündet habent .
78v,10 si habent di vinsten vertriben .
78v,11 diu von Adâmes valle . alle
78v,12 di werlt bedecket hête . diu
78v,13 dich dannoch niht erkant
78v,14 hête . dû woltest in armuot
78v,15 leben unde niht eigenes
78v,16 haben . noch gewisses in
78v,17 dirre werlt . dâ mit lêrtest
78v,18 dû dîn volgær di gâticheit

79r,1 hazzen die sorge ûf got legen .
79r,2 wan der uns hât geschaffen .
79r,3 der weiz daz wir spîse unde gewandes
79r,4 niht entbern mügen der berâtet
79r,5 uns des selben gerne . als
79r,6 er weiz . daz wir sîn bedürfen .
79r,7 ob wir im sîn getrûwen .
79r,8 wan der uns wile gerne . daz
79r,9 bezziste geben . der verzîhet
79r,10 uns des minnesten niht des
79r,11 uns nôt ist . swaz er uns
79r,12 aber des kleinen hier entziuhet .

- 79r,13 des wile er uns ergetzen
79r,14 vollicliche mit dem bezzisten .
79r,15 sît ein kneht sînem hêrren
79r,16 dienet ûf genâden . unde sorget
79r,17 niht umbe spîse . waz er
79r,18 ezze . unde lât ez an sînem
- 79v,1 hêrren der in besorge . unde vlîzet
79v,2 sich niuwan . wie er wole
79v,3 gediene . michels mêt . sulen wir
79v,4 dir hêrre . mit vlîze . unde mit
79v,5 willen dienen . unde getrûwen
79v,6 dîner milte . unde dienen mit triuwen .
79v,7 daz dû uns hier wole
79v,8 berâtest der nôtdurft . unde wole
79v,9 gelônest dienestes . sît dû berihtest
79v,10 allez daz lebet . unde ist
79v,11 âne gebresten . wâr umbe missetrûwen .
79v,12 wir dir . di dir allerliebste
79v,13 sîn . unde durch di dû
79v,14 alle werlt gemachet hâst .
79v,15 unde berihtest daz dir ze uns
79v,16 alein zerrinne maht oder
79v,17 triuwen . daz dû uns lâzest
79v,18 hungers . under dîner anegesiht
- 80r,1 verderben . daz ein wolf niht tæte sînem
80r,2 kinde . wir sîn ûf dem wege des himelrîches .
80r,3 unde warten alle zît . wenne .
80r,4 des weges ein ende sî . swer
80r,5 sich aber ûf kurzen wec .
80r,6 mit vile getreides ledet . der
80r,7 wirdet êr . müede . êr . er den wec
80r,8 volgê . unde muoz vile lîhte under
80r,9 wegen beligen . alsô wilt dû
80r,10 daz dîn volgær . rincverte
80r,11 sîn . habent si iht ze tragene .
80r,12 daz teilen mit ire geverten .
80r,13 di niht haben . sô ist ire bürde
80r,14 ringer . unde sint si selbe sneller .
80r,15 unde koment deste vroelîcher .
80r,16 ze âbende . an di himelischen
80r,17 herberge . ditze
80r,18 hâst dû uns gelêrt mit dîner
- 80v,1 lûtern armuot . wan swer
80v,2 niht vile ûf den wec treit .
80v,3 den erschetzet der roubær deste

- 80v,4 minner . wan maniger
80v,5 hât daz leben verloren . umbe daz
80v,6 er truoc . noch woltest dû
80v,7 alsô getempert leben halten .
80v,8 an ezzene . an gewande . unde an
80v,9 den líplîchen arbeiten . daz
80v,10 beidiu den bezzisten hôhe wær .
80v,11 unde ouch den minnern gemæze .
80v,12 wan dû ein gemeinez . unde
80v,13 ein volkomenez ÉxÉmplâr
80v,14 bist . dû aller tugende hôhen
80v,15 unde nidern . daz alle di tugende
80v,16 gern an dir vinden ganzlîche
80v,17 aller heilicheit lêre . spiegel
80v,18 aller güete .
- 81r,1 swer aber gerne wizzen
81r,2 wile . dîn leben . nâch
81r,3 mennischlîchen siten . der mâle
81r,4 in sînem herzen . an einer
81r,5 iegelîchen tugent . di guotlîchen
81r,6 gebærde . di zühtigsten
81r,7 gelæze . di diemüetigsten
81r,8 site . di durnehtesten gewoneheit .
81r,9 unde an allen dingen .
81r,10 daz allertugentlîchest .
81r,11 daz iemer dâr ûf mac
81r,12 vunden werden . sô trifftet
81r,13 man ein lützel der dînen vuozspore .
81r,14 dîner volbrâhticheit .
81r,15 wie gar gedultic dû wær .
81r,16 sô man dîn spottete . unde lasterte .
81r,17 unde schalt . unde sluoc . unde bant .
81r,18 unde versmâhte . unde verspei . und
- 81v,1 kriuzte . als einen diep
81v,2 unde toetete . wie dû allez übel hazzetest .
81v,3 unde aller tugende bilede .
81v,4 vore trüege mit werken unde
81v,5 mit worten . aber wie dîn
81v,6 gewant gestalt wær . des woltest
81v,7 dû niht uns schrîben
81v,8 lâzen . daz wir dînen siten .
81v,9 unde dînen werken . mêr
81v,10 volgeten . denne den kleidern .
81v,11 wir betruogen uns
81v,12 selben anders . unde ruomten
81v,13 uns vüre di andern . wir wæren

- 81v,14 dîn nâchvolgær . sô
81v,15 wir dir geliche gekleit wæren
81v,16 unde wânten uns sölte genüegen .
81v,17 dâ mit . unde liezen di
81v,18 tugent underwegen . dû
- 82r,1 woltest ouch widerwarten
82r,2 haben . di dir dîn rede verkêrten
82r,3 dîniu werc beschulden .
82r,4 dîn geslehte versmæhten .
82r,5 di dîn umbe guotiu dinc alle
82r,6 zît âhten . daz dû uns lêrtest
82r,7 ungemach lîden . umbe dîn
82r,8 gerihticheit wan nieman
82r,9 hier niht guotes haben mac . niuwan
82r,10 mit grôzen arbeiten .
82r,11 allez daz edel ist . daz
82r,12 gewinnet man kûmer . unde
82r,13 bekumet sîn müelîcher denne
82r,14 des unedeln . dâ von ist niht
82r,15 unbillich . obe man di
82r,16 rehticheit mit müeje erstrîten
82r,17 muoz . wær si niht
82r,18 edel unde nütze sô niden
- 82v,1 uns di vîande niht dâr umbe
82v,2 ungemach ist den guoten
82v,3 mennischen . als diu vîle dem
82v,4 îsenen . diu nimet im den rost
82v,5 abe . unde als daz grapîsen .
82v,6 dem goltvazze . daz machet
82v,7 ez lieht unde glanz . alsô
82v,8 wirdet diu sêle reiner . in
82v,9 ungemache . daz ir der sünden
82v,10 rost . unde diu hôchvart
82v,11 abe gevillet wirdet . di si
82v,12 lîhte gewinnet . von dem ruome
82v,13 der guoten werke . unde
82v,14 wirdet liehter . glîzente .
82v,15 mit der lûtericheit . daz
82v,16 si des gotelîchen schînes ..
82v,17 destे mêr entwâhe . dû wærst
82v,18 wole gewaltic . daz
- 83r,1 dû uns di himelischen êre
83r,2 gæbest . âne alle müeje . sô sihest
83r,3 dû . daz uns disiu kleine
83r,4 unde kurze arbeit . sô grôze

83r,5 êre gebente wirdet . daz si wole
 83r,6 bestatet ist . unde daz wir si gerne
 83r,7 lîden sulen . durch dînen willen .
 83r,8 unde durch der rehticheit .
 83r,9 liebe . unde daz uns diu
 83r,10 müeje deste ringer sî . sô hâst
 83r,11 dû allez vore gegangen . den
 83r,12 wec . daz wir dînen vuozsporen
 83r,13 nâch volgen . als diu
 83r,14 schæfelîn tuont nâch ire hirten .
 83r,15 dû liefte den wolven
 83r,16 engegen . daz dû dîniu lembelîn
 83r,17 errettettest . ûz ire munde
 83r,18 dâ bî zeiges dû dîn getriuwez

83v,1 herze . daz dir unser
 83v,2 tât . an der sêle nâher gât .
 83v,3 denne dîn selbes tât . an dem
 83v,4 lîbe . wan dû dich ze dem tôde
 83v,5 vûre uns gegeben hâst . unde
 83v,6 uns mit dînem bluote erloest .
 83v,7 von dem tôde . dû hâst ouch
 83v,8 dînen tât . wole bestatet . an
 83v,9 dînen vriunden . wan dû hâst
 83v,10 si dâ mit an dich mit starker
 83v,11 liebe . betwungen . daz
 83v,12 si dich umbe dîn kriuzearbeit .
 83v,13 di dû durch ire liebe .
 83v,14 erliten hâst . iemer êwiclîche
 83v,15 müezen minnen .
 83v,16 von allem dem daz si mûgen .
 83v,17 unde kûnnen . unde in
 83v,18 ist ouch êwiclîche . mit dir

84r,1 deste sanfter . an dem si triuwe
 84r,2 haben vunden . diu niht hoeher
 84r,3 wesen möhte . sît wir ouch
 84r,4 dich lieber haben sulen denne uns
 84r,5 selben . als daz billich ist . wan
 84r,6 dû bezzer bist . denne wir . unde
 84r,7 dîn minne . gein uns edeler
 84r,8 ist . denne wir sîn an uns
 84r,9 selben . sô woltest dû uns doch
 84r,10 dâ mit . daz bilede vore tragen .
 84r,11 daz dû uns minnest vûre
 84r,12 dich selben . daz dû dich vûre
 84r,13 uns . ze dem tôde hâst gegeben .
 84r,14 daz unser kranc herze .

- 84r,15 iht wider murmelt . sô
84r,16 wir iht hertes liten . durch
84r,17 dich . daz ieman möhte gesprechen
84r,18 wider dich . dû muotest
- 84v,1 von uns . des dû durch uns
84v,2 niht woltest liden . daz ist allen
84v,3 den geboten di dîner liebe
84v,4 wellent wert sîn . swenne
84v,5 in vüre geleit werde . den tôt
84v,6 ze lidenne . oder dîn ze verlougenenne . mit
84v,7 munde . oder mit herzen . oder mit süntigen
84v,8 werken . daz si allez daz liden . daz in geschehe
84v,9 ze lidenne . an lîbe oder an guote . oder
84v,10 an êren . oder an vriunden . ê daz si dich alein
84v,11 ze vriunde verliesen . sît dû nû uns daz geboten
84v,12 hâst . unde des von uns muotest . sô woltest
84v,13 dû ouch daz uns vore leisten . daz ez uns billich
84v,14 dûhte . daz wir ez dir ouch leisten . wir
84v,15 müezen doch an daz sterben .
84v,16 unde allez daz hinder uns lâzen .
84v,17 daz diu werlt hât . wâr
84v,18 umbe solten wir iz denne niht
- 85r,1 billîche unde gerne lâzen . durch dich von
85r,2 dem wir iz allez ze lêhene haben . unde der
85r,3 uns sîn alles mit hûfen gelônen
85r,4 mac . unde êwiclîchen gedanken .
85r,5 swaz mir doch ein
85r,6 anderr wirdet nemente âne
85r,7 danc . daz mac ich gerner
85r,8 mînem guoten vriunde geben
85r,9 mit willen . der mir sîn hôhen
85r,10 danc weiz . daz ist dîner
85r,11 sûezen gûete schult . daz dû
85r,12 uns des danc weist . ob wir
85r,13 dir geben mit willen . daz
85r,14 dû uns verlihen hâst . unde daz
85r,15 dû uns nemen möhtest .
85r,16 mit rehte unde mit gewalte .
85r,17 unde daz wir niht behaben
- 85v,1 mügen wan wir gerne oder ungerne .
85v,2 sô müezen wir sterben
85v,3 unde alle dise werlt hier lâzen
85v,4 unde swaz wir her geminnet
85v,5 haben . sît dû uns lieber hêrre .
85v,6 ein lêrær woltest sîn . des

85v,7 weges . ze dem himelrîche .
 85v,8 unde ein volbrâhtez ÊxÊmplâr
 85v,9 aller tugende . sô ruochest
 85v,10 dû ouch di hohesten tugende
 85v,11 uns vore tragen . ouch
 85v,12 daz ist di marter lîden .
 85v,13 unde den scherpfen tôt . durch
 85v,14 di rehticheit . unde durch
 85v,15 di wârheit . durch di
 85v,16 gehôrsam . durch di bruoderlîche
 85v,17 minne . dise sache

86r,1 sint . durch di dû uns gelêrt
 86r,2 hâst . lîden die marter . mit
 86r,3 rehter bescheidenheit . mit reiner
 86r,4 gewizzene . mit williger
 86r,5 gedulticheit . mit lûterre
 86r,6 minne . dise sache gehullen
 86r,7 alle an dîner marter . dû aller
 86r,8 marterær forme . unde ire trôst .
 86r,9 unde ire kraft unde ire lôn .
 86r,10 unde ire sache . swer des wert ist .
 86r,11 daz er dîn nâchvolgær werden
 86r,12 sol . an der marter . der sehe dich
 86r,13 alein an . anders sô mac er
 86r,14 verzagen . oder irren an der marter .
 86r,15 dû solt im diu sache sîn . dâr
 86r,16 umbe er si lîden sol . unde diu
 86r,17 form wie man si lîden sol .

86v,1 unde en mac dîn triuwe niht
 86v,2 verlâzen . niuwan dû kreftigest
 86v,3 in . mit dîner minne trôste .
 86v,4 daz er gestên müge biz an
 86v,5 daz ende . sô vindet er dich
 86v,6 ze lône . in dem himelrîche .
 86v,7 dâ er niemer mêr . von dir
 86v,8 gescheiden wirdet . noch von
 86v,9 dîner vroelîchen anegesiht . niemer
 86v,10 êwiclichen gevremedet .
 86v,11 dâ hilf uns schier hin lieber
 86v,12 hêrre Jêse Krist âmên .
 86v,13 die bûrde . di dû dem mennischen
 86v,14 gegeben hâst . an dem irdischen
 86v,15 lîbe . di wilt dû im hêrre
 86v,16 Jêse Christe kêren . ze einem hôhen êrenkleide .

87r,1 mit dîner wûnnerîchen

87r,2 mennischheit . als dîn goteheit
87r,3 der sêle gesehen ist . ein
87r,4 volliu vröuwede . daz dîn mennischheit .
87r,5 alsô sî dem lîbe in himelrîche .
87r,6 ze der vroelichen urstende .
87r,7 ein wünnespiegel .
87r,8 als diu sêle von der goteheit .
87r,9 mit vröuweden gesæliget wirdet .
87r,10 innen . daz der lîp ouch mit
87r,11 sælden . durchgozzen werde .
87r,12 von dîner mennischlichen
87r,13 anegesiht ûzen . alsô wirdet
87r,14 der lîp mit der sêle . der êren teilhaft .
87r,15 der hier mit ir teilhaft
87r,16 ist . gewesen . an den noeten .

87v,1 wan ez zimet wole daz
87v,2 wegegeverten gemazzen
87v,3 sîen in der wirtschafft .
87v,4 hêrre Jêse Christe . troeste mîn
87v,5 sêle . mit dîner genâden triuwen .
87v,6 unde erschîn ir mit der
87v,7 wünnerrîchen anegesiht . dînes
87v,8 hoechzîtlichen antlützes .
87v,9 – sprichet ze diute
87v,10 hôhiu erschînungen . unde oberst
87v,11 gesiht gotes antlützes . als
87v,12 dich di drîe oberesten koere sehent
87v,13 in himelrîche tronî .
87v,14 Cherubîn unde di minnevarwen .
87v,15 Sêraphîn . diu heizet
87v,16 wole – . wan in der
87v,17 hoehesten lûtericheit . unde in der

88r,1 liehtesten klârheit . dâ gotes
88r,2 schîn . diu créatiure getragen
88r,3 mac . dâ entwâhent si den glanst
88r,4 der gotelichen schoene alsô
88r,5 vrisch . unde alsô lûter . unde alsô
88r,6 starc . daz aller der himelische
88r,7 palast . von in erlûhtet
88r,8 wirdet . unde entbrant mit minnen .
88r,9 unde alle di strâze . der
88r,10 himelischen Jerusalem . übergozzen
88r,11 werdent . von den minneroeren .
88r,12 di den lebentigen
88r,13 brunnen . dâ umbeteilent dînes
88r,14 gotelichen honicvluzzes .

- 88r,15 wan daz licht . daz si von
88r,16 dînes antlützes schoene âne
88r,17 widerstal . entvâhent di
- 88v,1 dir di næhesten sint . daz teilent
88v,2 si her nider in allez daz
88v,3 himelische gesinde . einem
88v,4 iegelîchen . als vile er sîn nâch
88v,5 sîner lûtericheit . unde nâch
88v,6 sîner begirede . mac . unde wile
88v,7 gevâhen . wan als lûter unde
88v,8 als licht ist dîn aneblic . unde
88v,9 alsô gar . wûnnerîche . daz er
88v,10 den nidern ördenen ze starc . unde ze
88v,11 unvertrælich wær . ob er
88v,12 in niht mit der obern underscherme
88v,13 würde . von hôher wîsheit .
88v,14 ein teil getempert dû
88v,15 bist den hôhen hôch . dû bist den
88v,16 nidern hier niden bî . in unde in in .
88v,17 sô si ie hoeher vliegent . sô
- 89r,1 si dîner endelôsen hoehe ie mêt
89r,2 wundert . sô si ie diemüeticlîcher bî
89r,3 in selben sint . sô si dich ie heimelîcher
89r,4 in in selben triutent dû
89r,5 bist ob in inne mit der gotelîchen
89r,6 werdicheit . dû bist under in .
89r,7 mit der minniclîchesten diemüeticheit .
89r,8 dû bist in . in . mit
89r,9 der allerzertlîchesten heimelîche .
89r,10 dû bist umbe si mit dem allervridelîchesten .
89r,11 schirme . vore
89r,12 allem trüebesal . unde vore aller
89r,13 unruowe . dû bist ire hêrre dû
89r,14 bist ire dienær . dû bist ire vater .
89r,15 dû bist ire muoter . dû bist ire kint .
89r,16 dû bist ire bruoder . dû bist
89r,17 ire allerkiuschester . unde süezester
- 89v,1 minnender gotelîcher gemahel dû
89v,2 bist der wirt . dû bist diu wirtschaft .
89v,3 dû bist ire vröuwede . dû bist ire
89v,4 schoene . dû bist ir aller wünne volle
89v,5 unde aller sælden unzergenclichiu
89v,6 êwicheit . si minnent dich âne
89v,7 müeje . si sehent dich âne urdrütze .
89v,8 si niezent dich . âne gebresten . si

89v,9 diene dir âne arbeit . si êrent
 89v,10 dich âne vorht si lobent dich âne
 89v,11 underlâz si sint vrô daz si dich
 89v,12 habent . si sint vrôer daz si dich
 89v,13 iemer haben sulen si sint aber allervroeest .
 89v,14 daz si dich nâch alle
 89v,15 ire willen . nâch allem ire wunsche
 89v,16 nâch aller ire begirede . volliclîchen
 89v,17 âne ende haben sulen . unde

90r,1 daz ouch si alle . nâch dînem willen iemer
 90r,2 wesen sulen . daz niemer mêr an in
 90r,3 niht des wirdet . daz dir missevalle . wan
 90r,4 als vrô si des sint . daz si dich nâch
 90r,5 ire willen haben sulen . als sicher sint .
 90r,6 si des daz si iemer iht des getuon . daz
 90r,7 niht nâch dînem willen sî wê
 90r,8 wie guot daz wesen dâ ist dâ allez
 90r,9 daz . daz niht nâch ganzen vrôuweden
 90r,10 ist . alsô gar von geueret ist .
 90r,11 wê wie milte der wirt dâ ist .
 90r,12 der sînem gesinde sô manige wünne .
 90r,13 von dem minnerlîchen keller daz ist
 90r,14 von dînem allergetriuwesten herzen .
 90r,15 sô unsperlîchen schenkest ô wê
 90r,16 wie übersælic daz liebe gesinde
 90r,17 dâ ist daz sînen . süezen gernten durst

90v,1 von dem gruntelôsen brunne . des oberesten
 90v,2 guotes . alle zît . nâch allen
 90v,3 wunschen küelet . ô wê wan wæren
 90v,4 wir dâ bî disem lieben gesinde .
 90v,5 bî der lustlîchen menige . bî den
 90v,6 reinen unde allergetriuwesten herzen
 90v,7 under den niht arcwânes ist noch
 90v,8 trüebesal . noch decheiner leie unvrîde
 90v,9 niuwan vrîde unde minne
 90v,10 unde vrôuwede . unde reinicheit unde aller
 90v,11 leie wünne . wan si mügen
 90v,12 niht anders . gein einander gesîn .
 90v,13 wan als si iz von dir himelischem
 90v,14 schuolmeister lernent . wan sît
 90v,15 dû ein brunne bist . aller wünne .
 90v,16 sô bist dû in ouch ein biledær –
 90v,17 aller tugende . unde sô si dem ÉxÉmplâr
 90v,18 ie nâher wonent bî . sô si im

91r,1 ie eigenlîcher nâch varent . daz êwige

91r,2 ÊxÊmplâr . aller dinge . unde der erweltest
 91r,3 biledær aller tugende der himelische
 91r,4 zuhtmeister daz bist dû
 91r,5 liebez herze Jêse Christe den uns der himelische
 91r,6 vater von sînem herzen .
 91r,7 gesant hât . her nider . ûf ertrîche
 91r,8 ze einem lêrær . tugende unde wîsheit .
 91r,9 als dû di engel von anegenge
 91r,10 gelêrt hêtest . in der hôhen schuole
 91r,11 von himelischen hovezühten daz
 91r,12 dû uns alsam underwîsest . unde
 91r,13 wider rihtest . nâch dir selbem den
 91r,14 Worten . daz wir unde di engel einen
 91r,15 schuolmeister hêten . daz uns daz licht
 91r,16 iht smæhe wær . ob wir
 91r,17 einen lîhtern meister hêten denne . di
 91r,18 engel in himelrîche . als vile sô

91v,1 sich ein iegelich mennische mêr liutert .
 91v,2 nâch dem spiegel dîner heilicheit
 91v,3 hier in erde als vile wirdet er dort
 91v,4 in himelrîche gelîch dem lichten spiegel
 91v,5 dîner goteheit . nû müezest dû
 91v,6 tugende spiegel hêrre Jêse Christe alsô
 91v,7 hier geliutern . alle di vleckten di uns
 91v,8 daz herze tunkel machent . daz wir
 91v,9 dînes trôstes niht wert sîn . daz
 91v,10 wir ouch dort in dîner gotelîchen schoene .
 91v,11 dich schier gesehen müezen
 91v,12 âmên . liebez herze unde hêrre Jêse Christe
 91v,13 des himelischen vaters . einborener
 91v,14 sun mache mich des sicher in dîner
 91v,15 triuwen . mit dîner liebe . daz ich
 91v,16 der êwiclîche erwelten erben einer
 91v,17 sî den dû den gotelîchen hort . von anegenge

92r,1 in dînes herzen sagerær behalten
 92r,2 hât . den dâ nieman erschepfen
 92r,3 kan swie vile der sî in himelrîche .
 92r,4 unde in ertrîche . di in niezen .
 92r,5 wan sô alle di in dem himelischen
 92r,6 hove sint . dâ von ze rîchtuome
 92r,7 werdent unde ze künigen . sô ist dannoch
 92r,8 der selbe schatz in im selbem
 92r,9 ungerüeret . er wehset
 92r,10 mit den niezærn . sô der ie mêr
 92r,11 ist . unde sô si di schôze ie wîter
 92r,12 machent dâr in si in entwâhent

- 92r,13 sô si ie mêr vindent dâr umbe sô
 92r,14 ist kein nît under in wan ir
 92r,15 keiner des gebresten hât . swie
 92r,16 vile der ander begrîfet . in ist dâr
 92r,17 über erloubet allen grîfen . zuo swâ

 92v,1 si luste unde nemen . swie vile si wellen
 92v,2 unde begrîfen . sô si allermeist . bevâhen
 92v,3 mügen ez zerrinnet êr der stete
 92v,4 dâ si sich behûsen êr dînes mazelôsen
 92v,5 schatzes dirre hôhe schatz
 92v,6 ist dîn wûnnerîchiu anegesiht unde
 92v,7 dîn minniclîchiu anegesiht . unde
 92v,8 dîn minnerîchiu erkantnusse .
 92v,9 des sint alle di geziuc di dîn
 92v,10 ie reht kûnde gewûnnen der mache
 92v,11 mich liebez herze Jêse Christe
 92v,12 einen und teile mir ditze . schatzes ein
 92v,13 vile wênic mit dâ mit ich
 92v,14 mîner langer armuot eteswaz erstôzen
 92v,15 wan ich en mohte si niht
 92v,16 gar über komen . des wær
 92v,17 ich unwert . dû hâst den slûzzel

 93r,1 selbe . unde âne dich ne mac nieman
 93r,2 disen schatz entsliezen als dû selbe
 93r,3 sprichest . “nieman erkennet
 93r,4 den sun niuwan der vater . unde den vater
 93r,5 erkennet nieman wan der sun unde
 93r,6 dem iz der sun wile kunt tuon .
 93r,7 in sînem heiligen geiste .” der ist
 93r,8 iuwer beider erkantnusse ze einander
 93r,9 unde iuwer beider liebe . unde iuwer
 93r,10 heimelîche unde iuwer vrôuwede . unde
 93r,11 iuwer helær unde der êwige minnelîm .
 93r,12 der iuch beide mit minne
 93r,13 zesamene twinget . unde di êwigen
 93r,14 di gotelich . unde di ungescheiden
 93r,15 einunge zwischen iu beiden machet .
 93r,16 daz er unde ir beide ein einunge
 93r,17 sît . drîvaltîc drî einez .

 93v,1 daz daz sî daz wizzen wir wole .
 93v,2 mit ganzem geloube . wie aber daz sî .
 93v,3 daz werden wir sehente . mit voller
 93v,4 vrôuwede . sô uns der sagerær . des gotelîchen
 93v,5 schatzes . unde des verslozzen
 93v,6 heilictuomes . nû gar wirdet ûf

93v,7 getân . wan dâr an lît der volle
93v,8 der himelischen vröuwede . unde diu êre
93v,9 des êwigen lebenes . daz wir
93v,10 den vater in dem sune . unde den sun
93v,11 in dem vater . unde si beide in ir beider
93v,12 einunge dem heiligen geiste . sæliclîchen
93v,13 sehen . unde êwiclîchen
93v,14 niezen dâ hilf mir hin
93v,15 hêrre Jêsu Christe . durch aller dûner
93v,16 triuwen güete âmên